

Møtebok

Kommunestyret

Møtedato: 22.06.2023

Møtested: Austrheim samfunnshus

Møtetid: 15:00 - 22:20

Janne Eraker - Revisjonssjef/dagleg leiar Vestlandsrevisjon, tilstades under økonomisakene.

Frammøtte medlemmer	Parti	Rolle
Per Lerøy	AP	Ordførar
Ann Kristin Leirvåg	AP	Medlem
Monika Thorpe	AP	Medlem
Hardy Pedersen	AP	Medlem
Reidar Ulvøy	AP	Medlem
Britt Mary Skaalevik Lerøy	AP	Medlem
Aslak André Bakke	H	Medlem
Helge Dyrkolbotn	KRF	Medlem
Anne Dahle Austrheim	KRF	Medlem
Bjørn Inge Håland Dyrkolbotn	SP	Medlem
Reidar Øksnes	SP	Medlem

Forfall meldt frå medlem:	Parti	Rolle
Inger Lise Brekke	H	Varaordførar
Morten Sognnes	H	Medlem
Rikke Heldal Hope	H	Medlem
Randi Keilegavlen Dyrøy	KRF	Medlem
Lise Renate Helle	SP	Medlem
Marita Terese Bru	BIA	Medlem

Frammøtte varamedlemmer:	Parti	Rolle
Jan Erik Espelid	BIA	Varamedlem
Magnus Kvingedal	H	Varamedlem
Oskar Nordgard	H	Varamedlem
Solveig Hopen	H	Varamedlem
Linda Helen Skålevik Syslak	SP	Varamedlem

Følgjande frå administrasjonen møtte: Anne Hildegunn Færøy, Asbjørn Nagell Toft, Atle Vaage, Bjørnar Fjellhaug, Kari Torkildsen Utkilen, Ketil Tjore, Odd Harald Dommersnes, Trine Merete Jansen

Austrheim 27. juni 2023

Per Lerøy
ordførar

Ketil Tjore
møtesekretær

Saksliste

Saksnr	Tittel
033/23	Godkjenning av innkalling og saksliste
034/23	Godkjenning av møteprotokoll
035/23	Meldingar
036/23	Orienteringssak
037/23	Tilstandsrapport for barnehage og grunnskule, 2022/2023
038/23	Nye deltakarkommunar i Bergen og Omland Friluftsråd
039/23	Tilslutting til avtale om utviding av syns- og audiopedagogisk teneste
040/23	Busetting av flyktningar 2023 - ekstraoppmoding frå IMDI
041/23	Samarbeidsavtale for IUA Bergen region KOF om interkommunalt samarbeid mot akutt forureining
042/23	Uttale frå Austrheim kommune om klagepraksis hjå Statsforvaltaren i Vestland på dispensasjonsaker i sone tre for differensiert forvaltning av strandsona
043/23	Detaljregulering for fv. 565 Alversundbrua - Offentleg ettersyn - Merknad frå Austrheim kommune
044/23	Val av medlemmer til prosjektgruppe - energi
045/23	Vedlikehaldsplan bygningar og anlegg, Austrheim kommune
046/23	Kulturmiljøplan for kystkommunen Austrheim 2023 - 2032 - frå steinalder til oljealder
047/23	Forskrift for langtidsplass på sjukeheim i Austrheim kommune
048/23	Godkjenning av rekneskap 2022 for Austrheim Kommune
049/23	Godkjenning av årsrapport for Austrheim kommune 2022
050/23	Tertial rapport 2023 med forslag til budsjettjusteringar
051/23	Rullering av investeringsbudsjett
052/23	Rullering av langtidsbudsjett 2023-2026 for Austrheim Kommune
001/23	Rapport frå tilsyn med barnevernstenesta si oppfølging av barn i fosterheim
053/23	TV-aksjonen 2023 - oppretting av kommunekomité
054/23	Oppdatering av forskrift om folkevalde sine arbeidsvilkår - Austrheim kommune
055/23	Godkjenning av mindre vesentleg reguleringsendring av Detaljreguleringsplan for næringsområde NO4 Mongstadkrysset, planid. 2003002- Austrheim kommune
056/23	Mandat og budsjett for arbeidsgruppa og prosjektgruppa for energiproduksjon og energisparing i Austrheim kommune
002/23	Feil - utgår
057/23	Sommarfullmakt til ordførar

058/23 Flagging med regnbogeflagg 25. juni

Sakspapir

Saksnr	Utvalg	Type	Dato
033/23	Kommunestyret	PS	22.06.2023

Sakshandsamar	Arkiv	ArkivsakID
Ketil Tjore	FE-033	23/759

Godkjenning av innkalling og saksliste

Framlegg til vedtak:

Innkalling og sakliste vert godkjent

Kommunestyret - 033/23 - 22.06.2023

KS - behandling:

Jan Erik Espelid (Bygdelista) spurte om det skulle vore med ei sak med sommarfullmakt til ordførar. Ordførar Per Lerøy (Ap) støtta dette, og spurte kommunestyret om det var OK med ei tilleggssak om sommarfullmakt.

Dette vart godkjent av kommunestyret.

Ordførar Per Lerøy (Ap) fekk kommunestyret si godkjenning til å justera litt på rekkjefølgja for sakene, slik at sak 037/23 kjem før sak 036/23, og at sak 055/23 kjem etter 045/23.

Aslak André Bakke (H) gjekk inn som varaordførar fram til Inger-Lise Brekke (H) var på plass.

Handsaming i kommunestyret:

Kommunedirektøren sitt framlegg vart samrøystes vedteke, med tillegg som lista over.

KS - vedtak:

Innkalling og sakliste vart godkjent

Saksopplysninger:

Sakspapir

Saksnr	Utvalg	Type	Dato
034/23	Kommunestyret	PS	22.06.2023

Sakshandsamar	Arkiv	ArkivsakID
Ketil Tjore	FE-033	23/759

Godkjenning av møteprotokoll

Framlegg til vedtak:

Møteprotokoll frå forrige møte vert godkjent

Kommunestyret - 034/23 - 22.06.2023

KS - behandling:

Handsaming i kommunestyret:

Kommunedirektøren sitt framlegg vart samrøystes vedteke.

KS - vedtak:

Møteprotokoll frå forrige møte vart godkjent

Saksopplysninger:

Sakspapir

Saksnr	Utvalg	Type	Dato
035/23	Kommunestyret	PS	22.06.2023

Sakshandsamar	Arkiv	ArkivsakID
Ketil Tjore	FE-033	23/759

Meldingar

Underliggende saker

Saksnummer	Tittel
035/23.1	Austrheim kontrollutval - årsmelding 2022
035/23.2	Frå Statsforvaltar - tilbakemelding på budsjett og økonomiplan - 2023-2026
035/23.3	Revidert nasjonalbudsjett 2023 og kommuneopplegget for 2024
035/23.4	IKAH - Årsrapport 2022
035/23.5	Innkalling til generalforsamling Aufera - 22.05.2023
035/23.6	Årsrapport 2022 frå Aufera
035/23.7	Møtebok frå generalforsamling Aufera 22.05.2023
035/23.8	Retta emisjon i Gløde utvikling - politisk sak frå Alver
035/23.9	Leiaravtalar for leiarar i Austrheim

Framlegg til vedtak:

Meldingane vert tekne til orientering

Kommunestyret - 035/23 - 22.06.2023

KS - behandling:

Handsaming i kommunestyret:

Kommunedirektøren sitt framlegg vart samrøystes vedteke.

KS - vedtak:

Meldingane vart tekne til orientering

Saksopplysninger:

Sakspapir

Saksnr	Utvalg	Type	Dato
036/23	Kommunestyret	PS	22.06.2023

Sakshandsamar	Arkiv	ArkivsakID
Ketil Tjore	FE-033	23/759

Orienteringssak

Framlegg til vedtak:

Kommunestyret - 036/23 - 22.06.2023

KS - behandling:

Ordførar Per Lerøy (Ap) orienterte om den kartlegginga som han sjølv har sett i gang opp mot lokale utbyggarar, for bygging av bustader med livsløpsstandard. Same orientering er tidlegare gitt til Eldrerådet, i deira møte 13. juni.

- Kommunen har for ein del år sidan gått ein runde med Lindåsneset pensjonistlag, med tanke på kvar eldre på Kaland/Fonnes ønskte å bu når dei vart eldre.
- Kanskje litt overraskande ville dei som var med i undersøkinga bu i eit område midt på Kaland, dei ville bu der det var folk, flatt og god tilkomst, nærleik til servicetilbod som buss med meir.
- Kommunen har i ettertid omregulert dette området frå næring til bustad, og har deretter tatt ei masseutskifting der samstundes som ein skifta ut VA-anlegget som gjekk over arealet.
- Dette arealet trengs å løftast ein halvmeter, så kan det støypast ringmur og setta i gang.
- Kommunen eig allereie eit areal ved Fonnes Senter som ligg tett ved dette området, og som kan vera ein parkeringsplass.
- Ser også på om ein kan bygga bustader tilknytt ein ny sjukeheim.
- Samarbeider med Husbanken, som har komme med innspel på at det må kallast bustader med livsløpsstandard og ikkje eldrebustader.
- Ser for seg finansiering gjennom Husbanken, fleire av verksemdene har alt samarbeid med Husbanken på andre prosjekt.
- Har sett konkret på to areal ved Mastrevik, på framsida av Sætremarka, og eit areal som Furuly (sanitetslaget) har sikra seg frå ein privat eigar.
- Etter annonsering har seks byggefirma meldt si interesse, fire frå Alver og to frå

Austrheim.

- På Kaland kan ein bygga 12 einingar, ved Sætremarka 8-12 einingar, og ved Furuly er det plass til 8 einingar.
- Gode tilbakemeldingar frå verksemdene som var med.
- Verksemdene har fått frie tøyler til å sjå for seg om dei skal eiga det sjølv, om kommunen skal eiga eller anna. Nokre har gitt innspel på at dei kan bygga og ta vedlikehaldsansvar dei første ti åra.
- Ser at dersom kommunen bygger så får ein 25 prosent MVA tilbake. Bakdelen er at kommunen ikkje bør låna meir, med tanke på at det skal byggast ny sjukeheim.
- Ordføraren skal kalla inn igjen verksemdene for ein prat, og så vil ein ta dei mest interessante prosjekta inn til Husbanken.
- Vil også sondera om det er interesse mellom dei eldre for å leiga bustad til den prisen som desse får.
- Prosjektet vil komma til handsaming/høyring til både folkevalde og andre interessentar.
- I tillegg til dette har Kystlandsbyen komme med innspel på at dei vil bygga eit leilegheitsbygg bak Mastrevik Torg, 33 leilegheiter frå 43-44 kvadratmeter til 93/94 kvadratmeter.
- Om plassering sa Lerøy at det for kommunen sin del er bra å ha slike bustader tett på kommunesenteret, eller sentralt på Kaland.
- Skal jobbast med anbodskriteria til anbodsprosessen, med krav til standard og pris. Viktig at ein ikkje bygger så dyrt at folk ikkje kan flytta inn der, tilbakemeldinga er at mange ikkje vil stifta ny gjeld når dei skal flytta frå eige hus og til leilegheit.
- Må sjå på ulike løysingar av finansiering, mellom anna med bruk av støtte frå Husbanken. Mange moglegheiter, skal avklara vidare dei kommande vekene.
- Husbanken er gitt ekstra midlar til nettopp å bygga bustader med livsløpsstandard. Må henta inn kunnskap om kvar folk ønskjer seg å bu, så no må ein gå ut til innbyggjarane om kva konsept dei kan tenkja seg (eiga, leiga, burettslag, mm) og kvar dette bør ligga.
- Spannande prosess, om me kan få til dette kan ein avlasta behovet som ligg til sjukeheimen i dag, og kan nedskalera den kommande sjukeheimen. Har fått tilbakemeldingar frå heimetenesta om at ein del bygningar bør ligga så sentralt at bebuarane kan ta seg til butikken med rullator eller liknande. Må jobba tett med fleire partar i denne saka.
- Ser for seg parallelle løp, med utbygging både på Kaland og ved Sætremarka. Trur me har interesserte aktørar begge stader, utbyggjarane ser for seg at dette er noko dei kan ta på seg for å halda aktiviteten oppe når det kjem nedgang i byggeaktiviteten framover.

Aslak Bakke (H) spurte om det er mogleg å kombinera utbygginga av bustader for eldre med bustader for yngre innbyggjarar og nye innflyttarar. Her svara ordførar Per Lerøy (Ap) at kravet frå Husbanken per no er bustader med livsløpsstandard, men at det ikkje er krav om kven som bur der. Likevel kan dette med eldre vera eit krav i nye støtteordningar frå regjeringa. Om det ikkje vert bustader for yngre så kan ein få frigjort dei eldre sine bustader når dei flyttar, slik at tilbodet til yngre er større. Vidare har Austrheim kommunale Eigedomsselskap (AKE) fått i oppdrag av kommunedirektøren å bygga nye bustader til unge.

Ordførar Per Lerøy (Ap) sa at ein ikkje er klar med gruppe som skal sjå på energibruk i dei kommunale bygga, og energieffektivisera desse, herunder også skaffa solenergi. Men vil få inn tilbod frå ulike verksemdar som ønskjer å ta på seg arbeidet med å vurdera kvar ein kan redusera energibruken. Her sa Reidar Ulvøy (Ap) at ein må sjå nærare på kor mykje energi ein kan henta ut av produksjon av tidevass-straumane. Her er det mogleg å etablera ei ny større næring, starta med tidevass-straumane og så kan ein gå vidare med havstraumar. Her svara Lerøy at dette er ei eiga sak.

Ordførar Per Lerøy (Ap) at Austrheim har støtta styret i Bergen Hamn i deira arbeid med å finna ulike alternativ for hamneaktivitet etter flytting frå dagens lokalisering, herunder vurderinga av å bruka Flesland som hamn for trafikk med ferje til Danmark og eventuelt England. Så langt vert desse vurderingane finansierte med bruk av driftsmidlar i Bergen Hamn, og det er ikkje noko som forpliktar kommunane utan at det kjem til kommunestyra som eiga sak. Det er tale om store investeringar som må gjerast. Austrheim eig 1 prosent, har sagt at det ikkje er aktuelt å gå inn med midlar her, dette må vera investeringar som er sjølvfinansierande, der eigarane ikkje treng å gå inn med nye midlar, då vil kommunen eventuelt måtta vurdere å trekka seg ut.

Rolf Henning Myrmel orienterte om status for ulike prosjekt.

Presentasjonen ligg ved protokollen.

Reidar Ulvøy (Ap) gav honnør for at dei ulike prosjekta var innanfor dei kostnadsrammene som var gitt, som skule og VA som var dei største prosjekta.

Kommunedirektør Bjørnar Fjellhaug orienterte om at det vert temamøte om psykisk helse/rus for ungdom i kommunestyret i september.

Kommunalsjef helse og velferd, Anne Hildegunn Færøy, orienterte om arbeidet med heiltidskultur.

Presentasjonen ligg ved protokollen.

Kommunalsjef helse og velferd, Anne Hildegunn Færøy, orienterte om sjukepleiarsituasjonen ved Nordliheimen.

Presentasjonen ligg ved protokollen.

Kommunedirektør Bjørnar Fjellhaug orienterte om kommunebarometeret.

Presentasjonen ligg ved protokollen.

Økonomi- og HR-sjef Odd Harald Dommersnes gjekk gjennom tala for sjukefråværet.

Har ikkje så mykje korttidsfråvær, det er langtidsfråværet som dreg opp.

Presentasjonen ligg ved protokollen.

Aslak Bakke (H) sa om sjukefråværet at det er viktig å vera kreativ med tanke på kva løysingar ein kan finna for dei som er langtidssjukemelde.

Økonomi- og HR-sjef Odd Harald Dommersnes gjekk gjennom økonomirapporten.

Presentasjonen ligg ved protokollen.

Kommunedirektør Bjørnar Fjellhaug orienterte om avvikssystemet.

Presentasjonen ligg ved protokollen.

Kommunedirektør Bjørnar Fjellhaug svarte ut spørsmål frå Bygdelista om Arbeidssenteret.

Fjellhaug viste til at det ikkje er lagt inn budsjettmidlar til arbeidssenteret. Dette er kjøpt av AKE, dei ser på kva som er naudsynt å gjera på kort sikt, eller om det er andre lokale som er betre eigna til det er klart med eit nytt lokale.

Kommunedirektør Bjørnar Fjellhaug spurte kommunestyret i samband med at alle kommunar i regionen er oppmoda til å flagga den 25. juni på eittårsdagen for terrorkytinga i Oslo. Vil elles komma eit flaggreglement for Austrheim kommune.

Her spurte Reidar Ulvøy om det skal flaggast med norsk flagg eller prideflagg, kommunedirektøren svara at det er regnboge/prideflagg, det sa Reidar Ulvøy at han er mot. Reidar Øksnes ba om at det vart teke opp seinare i møtet som eiga sak. Det sa ordførar Per Lerøy seg samd i, og saka vart teke opp til avrøysting etter dei ordinære sakene.

Handsaming i kommunestyret:

Kommunedirektøren sitt framlegg vart samrøystes vedteke.

KS - vedtak:

Orienteringane vert teke til vitande.

Saksopplysninger:

Sakspapir

Saksnr	Utvalg	Type	Dato
037/23	Kommunestyret	PS	22.06.2023

Sakshandsamar	Arkiv	ArkivsakID
Trine Merete Jansen	FA-B19	23/749

Tilstandsrapport for barnehage og grunnskule, 2022/2023

Vedlegg

Kvalitetsmelding - Tilstandsrapport barnehage og grunnskule 2022/2023

Framlegg til vedtak:

Kommunestyret tek tilstandsrapporten for barnehage og grunnskule 2022/2023 til orientering.

Kommunestyret - 037/23 - 22.06.2023

KS - behandling:

Kommunalsjef oppvekst og kultur, Trine M. Jansen, orienterte overordna om saka. Presentasjonen ligg ved protokollen.

Styrar i Kystbarnehagen Britt Ystebø, og styrar i Kaland barnehage Sissel B. Monslaup, orienterte om situasjonen i barnehagane. Presentasjonen ligg ved protokollen.

Rektor på Kaland skule Birgitte Gullaksen, og rektor på Årås skule Bodil Boie Brekkan, orienterte om situasjonen ved skulane. Presentasjonen ligg ved protokollen.

Spørsmål og debatt:

Helge Dyrkolbotn (KrF) spurte om utfordringane kring bemanning i barnehagane det siste året, med stengte avdelingar, og spurte om styrarane hadde ein fasit på kva ein kan gjera for å unngå dette.

Britt Ystebø svara at det denne gongen var mykje sjukemeldingar på ein gong, og det var ekstraordinært. Men det er til vanleg to tilsette som er ute med sjukdom, så det hadde vore behov for to stillingar slik at ein kunne sleppa å vera for få.

Reidar Øksnes (Sp) spurte om det var mogleg å inngå avtalar med ulike firma, som gjerne er avhengige av at dei tilsette får barnehageplass for å starta i jobb der. Per Lerøy (Ap) sa at dette er noko ein har hatt tidlegare, og som det kan vera aktuelt å sjå på.

Britt S. Lerøy (Ap) sa at det må vera mogleg å ha faste stillingar heller enn vikarar og overtid.

Vikarbruk kostar også, og krev mykje arbeid med å henta inn. Ba om at barnehagane kom med innspel til budsjettprosessen på korleis dette kan løysast. Ystebø spurte også om tilhøvet mellom barn og plassar, fekk svar om at barn under 3 år tar 2 plassar.

Reidar Ulvøy (Ap) ba om at administrasjonen må syta for meir fleksibilitet, at tilsette kan jobba ulike

stader, som i både barnehage og skule.

Kommunalsjef oppvekst og kultur, Trine M. Jansen, sa om bemanning at det ser ut for at rammene til bemanning i barnehagane er litt for knappe. Elles ser ein nasjonalt at det er høgt sjukefråvær i barnehagane, det er gjerne krevjande å stå i ein arbeidssituasjon med stort press og mykje å ta seg av. Om fleksibilitet mellom barnehage og skule sa Jansen at det er vanskeleg sidan det er så stort press begge stader. Men for dei to sist tilsette i barnehage er det presisert at det skal vera fleksibilitet på arbeidsstad.

Britt S. Lerøy (Ap) viste til erfaringa frå Helse Bergen om bemanningssenter, der ein kartlegg kompetansen, og lar tilsette jobba ulike stader der dei er kvalifiserte.

Ordførar Per Lerøy (Ap) ba om at kommunedirektøren orienterte om reparasjon av hærverk.

Kommunedirektør Bjørnar Fjellhaug svara at dette skal ordnast delvis av teknisk eining, eller ved innsats frå elevar som har gjort hærverk og deira foreldre. Vidare vedlikehald av ulike bygg ligg i vedlikehaldsplanen.

Om symjehallen på Kaland sa Fjellhaug at dette kjem som ei eiga sak til hausten, for å få oversikt over kva som må renoverast. Ønskjer å ta med seg gymsalen på Kaland i same prosjekt, gymsalen er det rommet på Kaland som står att å renovera.

Helge Dyrkolbotn (KrF) takka for orienteringa og det arbeidet som er gjort. Dyrkolbotn sa vidare at det ikkje er noko som er så lett som å øydelegga, som det som er litt øydelagt frå før. Litt verre å gjera nytt hærverk når det ser OK ut.

Reidar Øksnes (Sp) sa at det var ei god orientering, men kommunen kunne klart seg utan dette problemet med språkbruk og rasisme. Her må kommunestyret går inn meir aktivt. For hærverk må ein både leggja inn midlar i budsjetta, og jobba med å ansvarleggjera foreldra på ein sterkare måte. Foreldre og besteforeldre har også eit ansvar her.

Ordførar Per Lerøy (Ap) sa at foreldra har mykje ansvar her.

Reidar Ulvøy (Ap) viste til besøket frå ungdomsrådet tidlegare i vår, og at ungdommane hadde etterlyst helsesjukepleiar og andre å snakka med. Ulvøy spurte om skulane har nok ressursar av denne typen. Bodil Boie Brekkan svara om Årås skule at dei har helsesjukepleiar tre dagar i veka, tilbakemeldingar frå helsesjukepleiar er at tida går til enkeltsamtalar, og er lite tid til systemtiltak.

Helge Dyrkolbotn viste til at AVS har helsesjukepleiar to dagar i veka, og dei har frå hausten tilsett to miljøkoordinatorar som skal jobba med å støtta elevane, mellom anna dei som har flytta heimefrå og bur på hybel i Austrheim.

Kommunedirektør Bjørnar Fjellhaug sa at midlar til uteområdet ved Årås skule kjem med i den neste økonomi- og budsjettplanen. Vidare sa Fjellhaug at kommunestyret vil få vidare orienteringar i første møte til hausten om arbeidet med helsesjukepleiar og denne typen tilbod. Jobbar også med å skaffa psykolog til kommunen, og har lyst ut ei prosjektstilling innan mellom anna psykisk helse.

Handsaming i kommunestyret:

Kommunedirektøren sitt framlegg vart samrøystes vedteke.

KS - vedtak:

Kommunestyret tek tilstandsrapporten for barnehage og grunnskule 2022/2023 til orientering.

Saksopplysninger:

Tilstandsrapporten er eit sentralt element i det nasjonale kvalitetsvurderingssystemet. Regjeringa har fastsett mål knytte til læringsresultat, fråfall og læringsmiljø som grunnlag for å vurdere kvaliteten i grunnopplæringa, jf. St.meld. nr 31 (2007-2008). Til dei nasjonale målsetjingane har regjeringa sett opp indikatorar som skal gi grunnlag for å vurdere kor langt skoleeigaren er kommen i å nå måla.

Tilstandsrapporten skal som eit minimum omtale læringsresultat, fråfall og læringsmiljø, men kan byggjast ut med annan omtale som skoleeigaren meiner er føremålstenleg ut frå lokale behov. Det er data frå Utdanningsdirektoratet som hovudsakleg skal brukast som grunnlag for skoleeigaren si vurdering av tilstanden, men det følgjer av St.meld. nr. 31 (2007-2008) at skuleeigarar og skular blir oppmoda til å føre opp konkrete målsetjingar for kva dei skal oppnå innanfor dei målområda som er sette opp.

I Austrheim legg vi vekt på å sikre «ein raud tråd» gjennom oppveksten til barn og unge, og difor legg vi fram samla tilstandsrapport for barnehage og skule. Ein felles tilstandsrapport skal hjelpe oss med å få eit felles blick i vidareutvikling av barnehage og skule. Tilstandsrapporten er eit godt grunnlag for å gi oppveksteigar eit kunnskapsbasert og bevisst forhold til innhald og kvalitet i barnehage og skule.

Konklusjon

Kommunedirektøren tilrår at Kommunestyret tek tilstandsrapporten for barnehage og grunnskule 2022/2023 til orientering.

Sakspapir

Saksnr	Utvalg	Type	Dato
061/23	Formannskapet	PS	08.06.2023
038/23	Kommunestyret	PS	22.06.2023

Sakshandsamar	Arkiv	ArkivsakID
Trine Merete Jansen	FE-033	21/224

Nye deltakarkommunar i Bergen og Omland Friluftsråd

Vedlegg

Saksutredning nye kommuner til BOF

Samarbeidsavtale mellom deltagerkommunene og Bergen og Omland Friluftsråd

Referat fra årsmøte BOF 2023 - signed

Forslag til ny samarbeidsavtale Bergen og Omland Friluftsråd

Framlegg til vedtak:

Kommunestyret i Austrheim kommune gir med dette sin tilslutnad til at kommunane Fedje, Gulen, Masfjorden og Modalen blir nye deltakarar i Bergen og Omland Friluftsråd Kommunalt Oppgavefelleskap, med verknad frå 01.01.2024. Dei nye deltakarkommunane sitt ansvar og forpliktingar følgjer av samarbeidsavtalen, og av lov om kommunar og fylkeskommunar (LOV-2018-06-22-83, frå 01.01.2020 «kommunelova»).

Formannskapet - 061/23 - 08.06.2023

FS - behandling:

Kommunalsjef Trine Merete Jansen orienterte om at nabokommunane ønsker å bli med i oppgavefelleskapet.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Formannskapet tilrår:

Kommunestyret i Austrheim kommune gir med dette sin tilslutnad til at kommunane Fedje, Gulen, Masfjorden og Modalen blir nye deltakarar i Bergen og Omland Friluftsråd Kommunalt Oppgavefelleskap, med verknad frå 01.01.2024. Dei nye deltakarkommunane sitt ansvar og forpliktingar følgjer av samarbeidsavtalen, og av lov om kommunar og fylkeskommunar (LOV-2018-

06-22-83, frå 01.01.2020 «kommunelova»).

Kommunestyret - 038/23 - 22.06.2023

KS - behandling:

Ordførar Per Lerøy (Ap) refererte til saksutgreiing med framlegg til vedtak.

Handsaming i kommunestyret:

Formannskapet si tilråding til vedtak vart samrøystes vedteke.

KS - vedtak:

Kommunestyret i Austrheim kommune gir med dette sin tilslutnad til at kommunane Fedje, Gulen, Masfjorden og Modalen blir nye deltakarar i Bergen og Omland Friluftsråd Kommunalt Oppgavefellesskap, med verknad frå 01.01.2024. Dei nye deltakarkommunane sitt ansvar og forpliktingar følgjer av samarbeidsavtalen, og av lov om kommunar og fylkeskommunar (LOV-2018-06-22-83, frå 01.01.2020 «kommunelova»).

Saksopplysninger:

Bakgrunn

Vestland fylkeskommune har oppmoda kommunane til samarbeid gjennom friluftsråd, og har også gitt økonomisk støtte til dette. Bergen og Omland Friluftsråd Kommunalt Oppgavefellesskap, ofte berre kalla Bof, har fått søknad frå kommunane Fedje, Gulen, Masfjorden og Modalen om å bli med i organisasjonen. For å gjennomføra utvidinga frå 12 til 16 kommunar må alle dagens medlemskommunar gjera likelydande vedtak om dette.

Vurdering

Austrheim ønskjer nabokommunane velkomne inn i samarbeidet. Administrasjonen i Bof har avklart med kommunane kva typar tenester dei kan forventa, og ei utviding av organisasjonen skal ikkje gå ut over servicenivået til dei eksisterande deltakerkommunane. Viser til vedlegg frå Bof for ytterlegare grunnlag for vurderingane.

Konklusjon

Kommunedirektøren rår formannskapet og kommunestyret til å støtta at dei fire kommunane Fedje, Gulen, Masfjorden og Modalen får bli med i Bergen og Omland Friluftsråd Kommunalt Oppgavefellesskap (Bof).

Sakspapir

Saksnr	Utvalg	Type	Dato
039/23	Kommunestyret	PS	22.06.2023

Sakshandsamar	Arkiv	ArkivsakID
Trine Merete Jansen	FE-223, FA-B26	21/668

Tilslutting til avtale om utviding av syns- og audiopedagogisk teneste

Vedlegg

SAPT Vestland samarbeidsavtale

Brosjyre SAPT

Framlegg til vedtak:

Austrheim kommune sluttar seg til den nye avtalen for Syns- og audiopedagogisk teneste (SAPT).

Kommunestyret i Austrheim ber om at SAPT vurderer ei utviding av tilbudet til å gjelda også brukarar over 70 år, slik styret i SAPT alt har signalisert.

Kommunestyret - 039/23 - 22.06.2023

KS - behandling:

Kommunalsjef oppvekst og kultur, Trine M. Jansen, orienterte om saka jamfør saksutgreiinga.

Handsaming i kommunestyret:

Kommunedirektøren sitt framlegg vart samrøystes vedteke.

KS - vedtak:

Austrheim kommune sluttar seg til den nye avtalen for Syns- og audiopedagogisk teneste (SAPT).

Kommunestyret i Austrheim ber om at SAPT vurderer ei utviding av tilbudet til å gjelda også brukarar over 70 år, slik styret i SAPT alt har signalisert.

Saksopplysninger:

Bakgrunn

Syns- og audiopedagogisk teneste (SAPT) har fungert som ei interkommunal teneste i Hordaland i mange år. I dag er alle kommunane i Hordaland med, samt Vestland fylkeskommune.

Etter samanslåinga til Vestland fylke tok fylkeskommunen initiativ til at kommunane i Sogn og Fjordane skulle inviterast med i samarbeidet. Styret for SAPT har følgd opp dette og førebudd ei utviding av SAPT, mellom anna gjennom informasjonsmøte og dialog med kommunane i tidlegare Sogn og Fjordane. Kommunedirektørutvalet i Vestland og KS Vestland har også bidrege i prosessen og er positive til dette initiativet. Dette saksgrunnlaget er eit felles saksgrunnlag for tidlegare og nye deltakarar i samarbeidet. Oppstart for nye deltakarkommunar blir planlagt frå 1. januar 2024.

For at denne utvidinga skal bli klar til nyttår, må det gjerast vedtak i kommunestyra i juni månad, og den nye avtalen trer i kraft frå oktober.

Ved endring av kommunelova i 2020 er det nye krav til interkommunale samarbeid, slik at alle kommunar som deltek i samarbeidet må handsama slike avtalar i kommunestyra sine. Gjennom denne saka blir det lagt fram ein ny samarbeidsavtale, i tråd med kapittelet i kommunelova 19 - Kommunalt oppgåvefellesskap.

I 2021 var brutto årskostnad for kommunane 21,74 kr per innbyggjar. Viss alle kommunane i tidlegare Sogn og Fjordane blir med i samarbeidet, vil det bety ca fire nye årsverk.

Stortingsmelding nr. 6, Tett på, vart vedteken i Stortinget i 2020. Meldinga beskriv endra oppgåver for Statped, og kommunane vil få fleire oppgåver i forhold til menneske med mellom anna syns- og/eller høyrselstap. Statped skal konsentrera sine tenester om brukarane med dei mest omfattande behova. SAPT vil vareta nokre av utfordringane i kommunane på syns- og høyrsele-feltet etter omorganiseringa av Statped.

Kort om Syns- og Audiopedagogisk Teneste

SAPT har i dag 12,8 årsverk og består av synspedagogar og audiopedagogar som gir råd, rettleiing og tenester knytt til syns- og høyrsele-feltet til innbyggjarane i kommunar og fylkeskommune. Tenesta arbeider både på system- og individnivå. Barn og unge er prioriterte grupper.

SAPT er ei resultateining under byrådsavdeling for barnehage, skule og idrett (BBSI) og inngår i Etat for spesialpedagogiske tenester. Bergen kommune har arbeidsgivaransvar for dei tilsette.

SAPT sine oppgåver er å hjelpe kommunane og fylkeskommunen i å oppfylle krava i barnehagelov, opplæringslov og lov om folketrygd. Tenesta skal vera med og sikra at kommunane og fylkeskommunen har tenestetilbod på område der desse ikkje sjølv har tilstrekkeleg fagleg kompetanse på feltet.

SAPT skal kartleggja, gi informasjon, råd og rettleiing til brukarar, føresette og nettverk innan syn og høyrsele. Dette kan givast i heimen, i barnehage og skule/opplæringsstad eller på andre aktuelle arenaer, i form av pedagogiske, praktiske og tekniske tiltak.

SAPT deltek i etablering og oppbygging av nettverk rundt brukarar og aktuelle samarbeidspartnarar. SAPT tilbyr kurs for brukarar, føresette, tilsette i barnehage og skule, helsepersonell og andre

samarbeidspartnarar/nettverk og hjelper PPT og OT/PPT med faglege råd og rettleiing. SAPT rettleder brukarar til aktuelle og relevante hjelpetenester for vidare oppfølging.

Tilbodet til brukarar over 70 år

I arbeidet med å revidera samarbeidsavtalen som skal behandlast, har styret vurdert korleis tenesta skal ta omsyn til den aukande etterspurnaden frå eldre brukarar. Styret konkluderte med å endra den øvre aldersgrensa til 70 år. Alternativt vurderte styret det som nødvendig å auka kapasiteten i tenesta, noko som ville medført ein auka kostnad, noko styret ikkje ønskte i denne omgangen. Det er også gjort mindre justeringar i inntakskriterium, i tråd med vurderingar av kva brukarar som vil ha nytte av denne tenesta.

I løpet av våren har SAPT så fått tilbakemeldingar frå fleire kommunar etter at dei har handsama avtalen i sine kommunestyre, der desse kommunane har ønskt at SAPT også vidare skal gje tenester til aldersgruppa 70 pluss. Her i Austrheim har dette spørsmålet om øvre aldersgrense blitt handsama av både Eldrerådet og Rådet for menneske med nedsett funksjonsevne (RMNF), som diskuterte grensa på 70 år etter innspel frå Blindeforbundet Vestland og FFO Vestland. Dei to råda har støtta Blindeforbundet Vestland og FFO Vestland sitt syn om at også personar over 70 år bør få hjelp av SAPT.

Styret i SAPT har i sitt styremøte 13. juni 2023 vurdert dei tilbakemeldingane om aldersgrensa på 70 år. Styret ser det som veldig aktuelt at hjelp til brukarar over 70 år blir ei hovudsak på SAPT sitt første representantskapsmøte i 2024, og at det nye styret får eit klart oppdrag om å førebu ei sak der SAPT sitt tilbod til brukarar over 70 år blir avklart. Dette kan bety at kommunane samlar seg om å auka kapasiteten i SAPT, det vil seia å auka innskota til SAPT, eller at kommunane løyser desse oppgåvene på andre måtar.

Styret i SAPT har etter dette oppdatert sitt råd til ei oppfordring om at kommunestyra godkjenner samarbeidsavtalen slik den føreligg, men gjerne med ein merknad om ei utviding av SAPT sin kapasitet.

Vurdering

Austrheim kommune er tent med at SAPT løyser desse oppgåvene for denne brukargruppa.

Ei utviding med dei tidlegare kommunane i Sogn og Fjordane vil bety ei styrking av SAPT med både storleik og kompetanse, og vil såleis også styra tilbodet til dei brukarane som er frå Austrheim.

Konklusjon

Kommunedirektøren tilrår at:

- Austrheim kommune sluttar seg til den nye avtalen for Syns- og audiopedagogisk teneste (SAPT), ein avtale som legg til rette for ei utviding med kommunane i tidlegare Sogn og Fjordane.
- Kommunestyret i Austrheim ber om at SAPT vurderer ei utviding av tilbodet til å gjelda også brukarar over 70 år, slik styret i SAPT alt har signalisert.

Sakspapir

Saksnr	Utvalg	Type	Dato
040/23	Kommunestyret	PS	22.06.2023

Sakshandsamar	Arkiv	ArkivsakID
Trine Merete Jansen	FA-F30	22/1254

Busetting av flyktningar 2023 - ekstraoppmoding frå IMDI

Framlegg til vedtak:

Kommunedirektøren tilrår at Austrheim kommune imøtekjem IMDI si oppmoding om å busette til saman 25 flyktningar i 2023.

Kommunestyret - 040/23 - 22.06.2023

KS - behandling:

Kommunalsjef oppvekst og kultur, Trine M. Jansen, orienterte om saka jamfør saksutgreiinga. Bjørn Inge Håland Dyrkolbotn (Sp) hadde ei oppmoding til heile kommunestyret om å vera med på å inkludera flyktningane frå Ukraina, både som innbyggjarar og som kommune.

Handsaming i kommunestyret:

Kommunedirektøren sitt framlegg vart samrøystes vedteke.

KS - vedtak:

Kommunedirektøren tilrår at Austrheim kommune imøtekjem IMDI si oppmoding om å busette til saman 25 flyktningar i 2023.

Saksopplysninger:

IMDI har oppmoda Austrheim kommune om å busette 5 flyktningar i tillegg til dei 20 flyktningane som vi tidlegare har gjort vedtak om å busette. Totalt ber dei om at Austrheim kommune busett 25 flyktningar i 2023.

Vi har fram til no busett 16 flyktningar for 2023. Det er sett i gang eit arbeid gjennom AKE med å skaffe eigna bustadar, så sjølv om ein opplever dette som den største utfordringa i arbeidet med

flyktningane, meiner vi at det er realistisk at vi innan årsskifte skal klare å busette totalt 25 flyktningar.

Konklusjon

Austrheim kommune imøtekjem IMDI si oppmoding om å busette til saman 25 flyktningar i 2023.

Sakspapir

Saksnr	Utvalg	Type	Dato
051/23	Formannskapet	PS	08.06.2023
041/23	Kommunestyret	PS	22.06.2023

Sakshandsamar	Arkiv	ArkivsakID
Asbjørn Nagell Toft	FA-K23, HistSak-21/366	22/365

Samarbeidsavtale for IUA Bergen region KOF om interkommunalt samarbeid mot akutt forureining

Vedlegg

Protokoll frå styremøte 10. mars 2023 - IUA Bergen region
Samarbeidsavtale for IUA Bergen region KOF
IUA Bergen region KOF - Samarbeidsavtale .PDF

Framlegg til vedtak:

Austrheim kommune vedtar samarbeidsavtalen for *Interkommunalt samarbeid mot akutt forurensning Bergen region kommunalt oppgåvefelleskap*.

Formannskapet - 051/23 - 08.06.2023

FS - behandling:

Einingsleiar Asbjørn Nagell Toft orienterte om saka, jamfør saksutgreinga.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Formanskapet tilrår:

Austrheim kommune vedtar samarbeidsavtalen for Interkommunal samarbeid mot akutt forurensning Bergen region kommunalt oppgåvefelleskap.

Kommunestyret - 041/23 - 22.06.2023

KS - behandling:

Avdelingsleiar plan Asbjørn Toft orienterte om saka, jamfør saksutgreiinga.

Handsaming i kommunestyret:

Formannskapet si tilråding til vedtak vart samrøystes vedteke.

KS - vedtak:

Austrheim kommune vedtar samarbeidsavtalen for Interkommunalt samarbeid mot akutt forurensning Bergen region kommunalt oppgåvefellesskap.

Saksopplysninger:

Austrheim kommune er med i IUA Bergen region. Alle kommunar skal delta i interkommunalt samarbeid mot akutt forurensning. IUA Bergen region som dekker kommunene Alver, Askøy, Austevoll, Austrheim, Bergen, Bjørnafjorden, Eidfjord, Fedje, Gulen, Hyllestad, Kvam, Masfjorden, Modalen, Osterøy, Samnanger, Solund, Ulvik, Vaksdal, Voss og Øygarden vart oppretta som eit § 27-samarbeid etter den gamle kommuneloven. Fristen for omdanning til ei lovleg samarbeidsform (kommunalt oppgåvefellesskap eller interkommunalt selskap) er fire år etter at den nye kommuneloven tredde i kraft, dvs. hausten 2023. Det interkommunale samarbeidet skal opprettast i samsvar med lov 22. juni 2018 nr. 83 om kommuner og fylkeskommuner (kommuneloven) kapittel 19 eller lov 29. januar 1999 nr. 6 om interkommunale selskaper (IKS-loven).

Årsmøtet i IUA Bergen region fatta følgjande vedtak 27. april 2021.

1. Årsmøtet vedtar å omdanne IUA Bergen region til et interkommunalt oppgavefellesskap innen 2022.

2. Årsmøtet gir styret fullmakt til å utarbeide en samarbeidsavtale med utgangspunkt i dagens vedtekter.

3. Samarbeidsavtalen skal legges frem for kommunestyrene i samtlige deltakerkommuner for godkjenning.

Styret i IUA Bergen region handsama forslaget til samarbeidsavtale i møte 10. mars 2023 og fatta følgjande einstemmig vedtak:

Styret godkjenner samarbeidsavtalen for IUA Bergen region KOF, og ber sekretariatet sende denne til alle deltakerkommunene for godkjenning i kommunestyrene. Mal for saksfremstilling skal legges ved samarbeidsavtalen ved utsendelse til deltakerkommunene for å sikre at det blir fattet likelydende vedtak i alle kommunene.

I brevet til kommunane frå Bergen brannvesen (som er sekretariat for IUA Bergen region) som er

datert den 24. mars 2023 står det følgjande:

*Vi regner med at denne saksfremstillingen gir dere tilstrekkelig grunnlag til å behandle saken i kommunestyrene, og anbefaler kommunestyrene å fatte følgende vedtak: «..... **kommune vedtar samarbeidsavtalen for Interkommunalt samarbeid mot akutt forurensning Bergen region kommunalt oppgavefellesskap.**» Samarbeidsavtalen trer ikke i kraft før den er godkjent av kommunestyrene i alle deltakerkommunene. Vi anmoder dere derfor om å prioritere saken slik at kommunestyrene kan fatte vedtak før sommeren 2023. Omdanningen av IUA Bergen region fra et § 27-samarbeid etter den gamle kommuneloven til et kommunalt oppgavefellesskap etter den nye kommuneloven forventes ikke å få økonomiske konsekvenser for deltakerkommunene.*

Samarbeidsavtalen som styret har utarbeida skal såleis no direkte ut til deltakerkommunane for handsaming. Samarbeidsavtale for IUA Bergen region KOF med følgjebrevet er vedlagt saka.

Vurdering:

Kommunedirektøren vil peike på at formålet med samarbeidsavtalen er å sikra at deltakerkommunene er i stand til å møte krava til kommunal beredskap mot akutt forurensning. Samarbeidet skal gi deltakerkommunene den mest kostnadseffektive beredskapen.

Kommunedirektøren vil informera om at det følgjer av § 7 i forskrift 4. januar 2022 nr. 10 om kommunal beredskap mot akutt forurensning at alle kommuner skal delta i interkommunalt samarbeid mot akutt forurensning. Kommunedirektøren viser til at det står i brevet frå Bergen brannvesen at eit kommunalt oppgåvefellesskap etter den nye kommuneloven ikkje vil få økonomiske konsekvensar for deltakerkommunane.

Avtalen på 6 sider heiter: ***Samarbeidsavtale for Interkommunalt samarbeid om beredskap mot akutt forurensning Bergen region kommunalt oppgavefellesskap (IUA Bergen region KOF).***

Kommunedirektøren rår til at samarbeidsavtale for IUA Bergen region KOF kan vedtakast slik den er sendt ut frå Styret i IUA Bergen region. Dei handsama forslaget til samarbeidsavtale i møte den 10. mars 2023.

Konklusjon:

Kommunedirektøren rår til at samarbeidsavtale for IUA Bergen region KOF kan vedtakast slik den er sendt ut frå Styret i IUA Bergen region.

Sakspapir

Saksnr	Utvalg	Type	Dato
052/23	Formannskapet	PS	08.06.2023
042/23	Kommunestyret	PS	22.06.2023

Sakshandsamar	Arkiv	ArkivsakID
Asbjørn Nagell Toft	FE-131	21/72

Uttale frå Austrheim kommune om klagepraksis hjå Statsforvaltaren i Vestland på dispensasjonsaker i sone tre for differensiert forvaltning av strandsona

Vedlegg

Møte med Statsforvaltaren i Vestland

Framlegg til vedtak:

Austrheim kommune viser til saksutgreiinga under som er ein uttale om klagepraksis hjå Statsforvaltaren i Vestland på dispensasjonsaker i sone tre for differensiert forvaltning av strandsona.

Me viser til saksutgreiing og til følgjande saker:

1. Flytebryggje på gbnr. 166/1 – Vestre Sævrøy (saksnr. 100/21)
2. Riving av notbu og oppføring av fritidsleiligheter på gbnr. 132/9 – Utkilen (saksnr. 054/22)
3. Flytebryggje på gbnr. 134/2 – Straumstad (saksnr. 086/22)
4. Deling og oppføring av naust på gbnr. 139/7 – Solend (115/22)

Me viser også til presentasjonen som **avdelingsdirektør Erik Vieth Pedersen**, Kommunal- og distriktsdepartementet held på møtet «Kommunane møter staten» på Solstrand Hotel & Bad 25. januar i år, og til møtet med Statsforvaltar Liv Signe Navarsete i Region Nordhordland 13. januar i år. Me viser og til rettleiarheftet «Ny næring i gamle bygg i strandsona» som vart gitt ut i 2014 med støtte frå både Fylkesmannen i Hordaland og Hordaland fylkeskommune.

Kommunestyret i Austrheim kommune vil ikkje godta vedtaka som Statsforvaltaren i Vestland har fatta i dei fire sakene me viser til over. Me meiner at Statsforvaltaren sine vedtak heilt klårt bryt med departementet sine retningslinjer for kommunalt sjølvstyre. Me viser her også til regjeringa si Tillitsreform, der det mellom anna heiter: Regjeringa vil gje større fridom til kommunale og regionale myndighetene, som dei viktigaste tenesteytarane.

Når det gjeld sak 1 og 3, så gjeld dette små flytebryggjer som skal festast i gamle, eksisterande steinbryggjer. Det er altså ikkje snakk om nye inngrep i naturen, men gode tiltak for å gjera det tryggare for brukarane å koma seg til og frå båtane sine. Ingen naboar har klaga på tiltaka, og eit samrøysta formannskap har gått inn for å gje løyve til å leggja ut flytebryggjer i begge sakene i tråd med tilrådingane frå kommunedirektøren.

Når det gjeld sak to, riving av eit næringsbygg som gjekk ut av drift for om lag 50 år sidan, og bygging av eit nytt bygg i same stil for å driva utleigebustadar. Dette må vere heilt i tråd med intensjonane i

retteleiaren «Ny næring i gamle bygg i strandsona». Me gjer merksam på at dette bygget ligg i Kilstraumen, like i nærleiken av Kilstraumen Brygge. Kommunen prøver å leggja til rette for utvikling av reiselivsnæringa i Austrheim, og dette området er svært godt eigna til ei slik satsing. Ombygging av den gamle notbua passar derfor som hand i hanske med kommunen sin reiselivsstrategi. Me stiller også spørsmål om dette i det heile skal vera ei dispensasjonssak. Me snakkar her om eit næringsbygg som ligg i eit område der det har vore næringsaktivitet sidan 1915. Det tilstøytane arealet er LNF-område, men sjølve tomten og kaianlegget har vore eit næringsareal i meir enn hundre år. Også i denne saka var kommunedirektøren positiv til tiltaket, og eit samla formannskap følgde kommunedirektøren si innstilling. Me kan derfor ikkje under noko omstende godta Statsforvaltaren si avgjerd i denne saka.

Sak 4 stiller me oss like undrande til. Her er det snakk om å byggja nye naust i eit eksisterande naustmiljø, der det er opparbeida veg og eksisterande båtplassar. Området er ikkje eit område som vert brukt verken til turgåing eller bading. Fortetting i eksisterande naustmiljø er noko Statsforvaltaren tidlegare har signalisert som gode løysingar i strandsona. Derfor kom kommunedirektøren med ei positiv innstilling til søknaden og eit samla formannskap støtta kommunedirektøren si innstilling. Kommunestyret i Austrheim kan heller ikkje i denne saka godta Statsforvaltaren si avgjerd.

Me ber om at Statsforvaltaren snarast ser på desse fire sakene på nytt, og inviterer med dette Statsforvaltar Liv Signe Navarsete til synfaring i Austrheim kommune. Viss ikkje vedtaka i desse sakene vert endra av Statsforvaltaren i Vestland, vil me senda sakene til Kommunal- og distriktsdepartementet og be om at departementet vurderer om Statsforvaltaren i Vestland følgjer dei nasjonale retningslinjene når det gjeld forvaltning av strandsona for kommunar i sone 3.

Utdrag frå presentasjonen til avdelingsdirektør Erik Vieth Pedersen:

Statlige planretningslinjer for differensiert forvaltning av strandsonen langs sjøen

- SPR utdyper og konkretiserer plan- og bygningslovens bestemmelser om bygging i 100-metersbeltet
- Reviderte retningslinjer vedtatt i mai 2021
- Differensiert forvaltning – ulike føringer i ulike deler av landet ut fra utbyggingspress m.m.
- Kommuner i spredt bebygde strøk med lavt utbyggingspress gis økt handlingsrom (sone 3 og deler av sone 2)
- Vurdere behovet for statlige planretningslinjer for kystnære sjøområder

Formannskapet - 052/23 - 08.06.2023

FS - behandling:

Einingsleiar Asbjørn Nagell Toft orienterte om saka, jamfør saksutgreiinga.

Ordførar Per Lerøy (AP), det blir jobba i region for å hente inn meir informasjon om presentasjon frå det årlege møte der staten møtar kommunane. .

Inger-Lise Brekke (H), spurte om tilitsreformen kan den vere eit argument i slike saker. Til det svara Asbjørn Nagell Toft at reformen i seg sjølv er meir retta mot at tilsette skal ha tillit i jobben dei gjer. Bjørn Inge Dyrkolbotn (Sp) sa at han ville vore endra krassare i si uttale og fekk svar frå ordføraren at det er det som vert jobba mot før vedtak i kommunestyret.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Formannskapet tilrår:

Austrheim kommune viser til saksutgreiinga under som er ein uttale om klagepraksis hjå Statsforvaltaren i Vestland på dispensasjonsaker i sone tre for differensiert forvaltning av strandsona.

Kommunestyret - 042/23 - 22.06.2023

KS - behandling:

Avdelingsleiar plan Asbjørn Toft orienterte om saka, jamfør saksutgreiinga.

Her var det frå partia H og Ap utarbeidd eit nytt framlegg til vedtak, som sakshandsamar Toft refererte til kommunestyret. Framlegget var distribuert også til dei andre partia sine representantar. Ordførar Per Lerøy (Ap) spurte om dette er noko kommunestyret kan stilla seg bak.

Reidar Øksnes (Sp) viste til at ei flytebrygge er det mest skånsame inngrepet ein kan ha, den kan fjernast etterpå, det kan ikkje ein kai. Øksnes spurte vidare om ttalen brenner alle bruer med denne ordlyden.

Reidar Ulvøy (Ap) sa at tiltaket på Ulvøy ikkje burde vore dispensasjonssøknad i det heile, dette var eit næringsområde som eigar ønskjer å bruka til næring. Ba om ei klargjering av om dette skal krevja dispensasjon. Her svara Asbjørn Toft at det var naudsynt med dispensasjon, og at administrasjonen ikkje legg opp til dispensasjonssaker der det ikkje trengst.

Helge Dyrkolbotn (KrF) sa at det er rett å seia skikkeleg ifrå, men ba om at ein endra «ikkje under nok omstende» til «kan ikkje godta», Bjørn Inge Håland Dyrkolbotn (Sp) sa at det burde vera «vil ikkje». Det fekk støtte frå kommunestyret. Bjørn Inge Håland Dyrkolbotn (Sp) sa vidare at det er skuffande at ikkje statsforvaltar kjem på synfaring.

Ordførar Per Lerøy viste elles til signala som er gitt om å skilja sterkare mellom strandsona 1, 2 og 3. Lerøy sa at uttalen skal språkvaskast noko, før innsending.

Handsaming i kommunestyret:

Ny uttaletekst samrøystes vedteke i kommunestyret

KS - vedtak:

Me viser til saksutgreiing og til følgjande saker:

1. Flytebryggje på gbnr. 166/1 – Vestre Sævrøy (saksnr. 100/21)
2. Riving av notbu og oppføring av fritidsleiligheter på gbnr. 132/9 – Utkilen (saksnr. 054/22)
3. Flytebryggje på gbnr. 134/2 – Straumstad (saksnr. 086/22)
4. Deling og oppføring av naust på gbnr. 139/7 – Solend (115/22)

Me viser også til presentasjonen som **avdelingsdirektør Erik Vieth Pedersen**, Kommunal- og distriktsdepartementet held på møtet «Kommunane møter staten» på Solstrand Hotel & Bad 25. januar i år, og til møtet med Statsforvaltar Liv Signe Navarsete i Region Nordhordland 13. januar i år. Me viser og til rettleiarheftet «Ny næring i gamle bygg i strandsona» som vart gitt ut i 2014 med støtte frå både Fylkesmannen i Hordaland og Hordaland fylkeskommune.

Kommunestyret i Austrheim kommune vil ikkje godta vedtaka som Statsforvaltaren i Vestland har fatta i dei fire sakene me viser til over. Me meiner at Statsforvaltaren sine vedtak heilt klårt bryt med departementet sine retningslinjer for kommunalt sjølvstyre. Me viser her også til regjeringa si Tillitsreform, der det mellom anna heiter: Regjeringa vil gje større fridom til kommunale og regionale myndigheitene, som dei viktigaste tenesteytarane.

Når det gjeld sak 1 og 3, så gjeld dette små flytebryggjer som skal festast i gamle, eksisterande steinbryggjer. Det er altså ikkje snakk om nye inngrep i naturen, men gode tiltak for å gjera det

tryggare for brukarane å koma seg til og frå båtane sine. Ingen naboar har klaga på tiltaka, og eit samrøysta formannskap har gått inn for å gje løyve til å leggja ut flytebyggjer i begge sakene i tråd med tilrådingane frå kommunedirektøren.

Når det gjeld sak to, riving av eit næringsbygg som gjekk ut av drift for om lag 50 år sidan, og bygging av eit nytt bygg i same stil for å driva utleigebustadar. Dette må vere heilt i tråd med intensjonane i rettleiaren «Ny næring i gamle bygg i strandsona». Me gjer merksam på at dette bygget ligg i Kilstraumen, like i nærleiken av Kilstraumen Brygge. Kommunen prøver å leggja til rette for utvikling av reiselivsnæringa i Austrheim, og dette området er svært godt eigna til ei slik satsing. Ombygging av den gamle notbua passar derfor som hand i hanske med kommunen sin reiselivsstrategi. Me stiller også spørsmål om dette i det heile skal vera ei dispensasjonssak. Me snakkar her om eit næringsbygg som ligg i eit område der det har vore næringsaktivitet sidan 1915. Det tilstøytane arealet er LNF-område, men sjølve tomten og kaianlegget har vore eit næringsareal i meir enn hundre år. Også i denne saka var kommunedirektøren positiv til tiltaket, og eit samla formannskap følgde kommunedirektøren si innstilling. Me kan derfor ikkje under noko omstende godta Statsforvaltaren si avgjerd i denne saka.

Sak 4 stiller me oss like undrande til. Her er det snakk om å byggja nye naust i eit eksisterande naustmiljø, der det er opparbeida veg og eksisterande båtplassar. Området er ikkje eit område som vert brukt verken til turgåing eller bading. Fortetting i eksisterande naustmiljø er noko Statsforvaltaren tidlegare har signalisert som gode løysingar i strandsona. Derfor kom kommunedirektøren med ei positiv innstilling til søknaden og eit samla formannskap støtta kommunedirektøren si innstilling. Kommunestyret i Austrheim kan heller ikkje i denne saka godta Statsforvaltaren si avgjerd.

Me ber om at Statsforvaltaren snarast ser på desse fire sakene på nytt, og inviterer med dette Statsforvaltar Liv Signe Navarsete til synfaring i Austrheim kommune. Viss ikkje vedtaka i desse sakene vert endra av Statsforvaltaren i Vestland, vil me senda sakene til Kommunal- og distriktsdepartementet og be om at departementet vurderer om Statsforvaltaren i Vestland følgjer dei nasjonale retningslinjene når det gjeld forvaltning av strandsona for kommunar i sone 3.

Utdrag frå presentasjonen til avdelingsdirektør Erik Vieth Pedersen:

Statlige planretningslinjer for differensiert forvaltning av strandsonen langs sjøen

- SPR utdyper og konkretiserer plan- og bygningslovens bestemmelser om bygging i 100-metersbeltet
- Reviderte retningslinjer vedtatt i mai 2021
- Differensiert forvaltning – ulike føringer i ulike deler av landet ut fra utbyggingspress m.m.
- Kommuner i spredt bebygde strøk med lavt utbyggingspress gis økt handlingsrom (sone 3 og deler av sone 2)
- Vurdere behovet for statlige planretningslinjer for kystnære sjøområder

Saksopplysninger:

Austrheim kommune vil gje følgjande uttale til klagepraksisen til Statsforvaltaren i Vestland:

Statsforvaltaren i Vestland har klaga på ein del positive kommunale dispensasjonsvedtak i strandsona i Austrheim kommune dei siste åra. Sakene vert sendt over til settestatsforvaltar for endeleg avgjerd, om formannskapet ikkje tek klagen til følgje

Austrheim kommunen vil presisera at me er i sone tre for differensiert forvaltning av strandsona etter plan- og bygningslova. Dei fire eksempelsakene som er i område med mindre press på strandsona me vil visa til i denne uttalen vår er på stadar det er tiltak frå før (ikkje urørt natur). Desse

sakene er:

1. Flytebryggje på gbnr. 166/1 – Vestre Sævrøy (saksnr. 100/21)
2. Riving av notbu og oppføring av fritidsleiligheter på gbnr. 132/9 – Utkilen (saksnr. 054/22)
3. Flytebryggje på gbnr. 134/2 – Straumstad (saksnr. 086/22)
4. Deling og oppføring av naust på gbnr. 139/7 – Solend (115/22)

Dei fire avgjerdsvedtaka frå settefylkesmannen (Statsforvaltaren i Rogaland) er vist under:

1. Statsforvaltaren i Vestland har påklaga kommunen sitt vedtak om dispensasjon for oppføring av flytebryggje. Statsforvaltaren gjer om kommunen sitt vedtak slik at det ikkje blir gitt dispensasjon for oppføring av flytebryggje.

2. Statsforvaltaren i Vestland har klaga på kommunen sitt vedtak om dispensasjon til riving av notbu, oppføring av fritidsbustadar til utleigeverksemd og fjerning av berg. Statsforvaltaren gjer om kommunen sitt vedtak til avslag.

3. Statsforvaltaren gjer om kommunen sitt vedtak av 02.06.2022 til avslag. Det blir ikkje gjeve dispensasjon til utlegging av flytebryggje slik det er søkt om.

4. Statsforvaltaren gjer om kommunen sitt vedtak av 20.10.2022 og avslår søknaden. Klagen er tatt til følgje.

I vedlagt Powerpoint som ordførar Per Lerøy viste Statsforvaltar Liv Signe Navarsete den 13. januar 2023 i møte i Knarvik er desse fire sakene i strandsona presentert på ein oversiktleg måte.

Fagfolka i Austrheim kommune har sjølvstøtt vurdert desse fire sakene juridisk og forvaltingsmessig på ein god måte. Kommunedirektøren har tilrådd dispensasjon i alle desse fire sakene. Det er her tale om tiltak i allereie lovleg utbygde område. Formannskapet har gjeve dispensasjon og ikkje teke klagen til Statsforvaltaren til følgje. Alle desse sfire sakene som til slutt vart sendt til Settefylkesmannen har fått avslag.

Med forankring i plan- bygningslova sine reglar for dispensasjon, gjev Austrheim kommune gjerne følgjande grunngjeving for våre positive dispensasjonsvedtak. I lova står det m.a.:

§ 19-1. Søknad om dispensasjon

Dispensasjon krever grunngitt søknad. Før vedtak treffes, skal naboer varsles på den måten som nevnt i § 21-3. Særskilt varsel er likevel ikke nødvendig når dispensasjonssøknad fremmes samtidig med søknad om tillatelse etter kapittel 20, eller når søknaden åpenbart ikke berører naboens interesser. Regionale og statlige myndigheter hvis saksområde blir direkte berørt, skal få mulighet til å uttale seg før det gis dispensasjon fra planer, plankrav og forbudet i § 1-8.

§ 19-2. Dispensasjonsvedtaket

Kommunen kan gi varig eller midlertidig dispensasjon fra bestemmelser fastsatt i eller i medhold av denne lov. Det kan settes vilkår for dispensasjonen.

Dispensasjon kan ikke gis dersom hensynene bak bestemmelsen det dispenseres fra, hensynene i lovens formålsbestemmelse eller nasjonale eller regionale interesser, blir vesentlig tilsidesatt. Fordelene ved å gi dispensasjon skal være klart større enn ulempene. Det kan ikke dispenseres fra saksbehandlingsregler.

Ved dispensasjon fra loven og forskriften til loven skal det legges særlig vekt på dispensasjonens konsekvenser for helse, miljø, jordvern, sikkerhet og tilgjengelighet.

Departementet kan i forskrift gi regler for omfanget av dispensasjoner og fastsette tidsfrist for behandling av dispensasjonssaker, herunder fastsette tidsfrist for andre myndigheters uttalelse i dispensasjonssaker og gi regler om beregning av frister, adgang til fristforlengelse og konsekvenser av fristoverskridelse.

Etter lova er det kommunestyret, eller dei som kommunestyret har delegert mynde til, som har høve til å gje dispensasjon. I Austrheim kommune har kommunestyret delegert slik fullmakt til formannskapet. For at eit tiltak skal vera kvalifisert for dispensasjon er det to krav i lova som må vera innfridd.

1. Dispensasjon kan ikkje innvilgast dersom omsynet bak bestemmelsen det vert dispensert frå, omsyna i lova sin føremålsbestemmelse eller nasjonale eller regionale interesser, blir vesentleg tilsidesett.

2. Fordelane ved å gje dispensasjon skal vera klart større enn ulempene.

Kommunestyret legg til grunn at dispensasjonskapittelet i lova er teke med fordi det frå tid til anna er naudsynt og fornuftig å tillata gjennomføring av tiltak som i utgangspunktet er i strid med lova og vedtekne planar. For å avgjera om ei dispensasjonssak er innafor krava i lova, må ein gjera grundige vurderingar av kvart einskild tiltak, og til slutt sjå om dette kvalifiserer til dispensasjon. Ei sak kan ikkje avgjerast på grunnlag av meir generelle vurderingar.

I sakene våre (vedlagt) er Austrheim kommune si vurdering at ein dispensasjon ikkje vil setja omsyna i lova sitt føremål eller regionale eller nasjonale interesser vesentleg til side. Kommunestyret kan heller ikkje sjå at vedtak om å gje dispensasjon i desse sakene ville få negative konsekvensar for helse, miljø, jordvern, tryggleik eller tilgjenge. Dei omsøkte sakene våre avgrensar heller ikkje ålmenta sin tilkomst og bruk av strandsona. Områda er alt teke i bruk og det er eldre byggjetiltak der frå før, det er ikkje urørt natur. Kommunestyret meiner såleis at strandsonevernet er ivareteke i desse sakene ved at områda alt er teke i bruk, og at dei omsøkte tiltaka er små. Så langt kommunestyret kan sjå ville heller ikkje dei omsøkte tiltaka få negative konsekvensar for miljø og naturmangfaldet i kommunen vår.

Austrheim kommune har lang strandsona og det er mange øyar som det er populære å ferdast på for ålmenta, både til fots og med båt. Omsøkte tiltak gjer gjerne båttilkomsten tryggare for eigar, men det opnar for at ålmenta får ein sikrare hamn/kai om noko skjer, eller dei vil gå inn ein stad for å rasta. Kommunestyret meiner og at dispensasjon i desse sakene heller ikkje ville ha skapt uheldig presedens. Kvart ulikt tiltak vert og vurdert ut frå kva landskapsverdiar, bruksområde, naturgjevne verdiar, miljø, klima, HMS og kulturverdiar som er på det aktuelle området. Også klimatilpassing til

eit villare og våtare ver vert vurdert her, havnivåstigninga framover også.

Austrheim kommune er plassert i sone tre for differensiert forvaltning av strandsona etter plan- og bygningslova. Det vil seia at det er opna for meir lokalt sjølvstyre og større rom for å gje dispensasjon. I statlige planretningslinjer om differensiert forvaltning av strandsona står det *i 10,1 at tiltak bare kan tillates etter konkret vurderte lokale tilhøve*, og det meiner kommunestyre at er gjort i desse sakene i vår kommune. Det klare utgangspunktet er etter Austrheim kommune si vurdering at utvikling skal skje i plan, men i Austrheim kommune er det umogleg å planlegge finmaska detaljer i kommuneplanprosessen for heile den utbygde strandsona. Omsøkt tiltak vil berre medføre endring av marginal karakter, og vil ikkje tilsidesette omsyna bak byggjeforbodet eller deleforbodet eller LNFR i «vesentlig» grad.

Ut frå det som her er lista opp, kan ikkje kommunestyret sjå at det var ulemper ved å gje dispensasjon i desse fire sakene, verken for offentlege interesser, ålmenta eller grunneigar. Derimot ville eit positivt vedtak på desse søknadane gje store fordeler for mange, og ha positive verknader for andre som vil ta seg i land og bruka strandsona vår. Folk treng og naust og flytebyggjer for å ta vare på båtar, fiske, og sjøreiskaper, særleg i vinterhalvåret og i det harde kystklimaet her, dette er klimatilpassing og berekraftig bruk.

Austrheim kommune oppmodar Statsforvaltaren i Vestland å sjå på desse fire dispensasjons sakene på nytt, men oppmodar og til endra praksis i liknande dispensasjonssaker som kan koma i tida som kjem.

Austrheim kommune ber og om at dersom Statsforvaltaren i Vestland vurderer å klaga i slike dispensasjonsaker vert med på synfaring, og har drøftingsmøte med kommunen før det vert teke endeleg avgjerd i sakene. Mange saker i vår kommune gjeld gjerne mindre flytebyggjer/kaiar som vil gje ein tryggare og betre tilkomst til og frå land frå mindre båtar. Her er det gjerne glatt og sleipt i dag, og flo og fjøre gjev stor høgdeforskjell. Andre saker gjeld gjerne fortetting i eksisterande naustmiljø og/eller fornying/rehabilitering av eldre falleferdige bygg.

Austrheim kommune vonar på ein god samhandling med Statsforvaltaren i Vestland i tilsvarende dispensasjonsaker i sone tre i strandsona vår framover.

Konklusjon:

Austrheim kommune viser til saksutgreiinga over som er ein uttale frå kommunen om klagepraksis hjå Statsforvaltaren i Vestland på dispensasjonsaker i sone tre for differensiert forvaltning av strandsona.

Sakspapir

Saksnr	Utvalg	Type	Dato
054/23	Formannskapet	PS	08.06.2023
043/23	Kommunestyret	PS	22.06.2023

Sakshandsamar	Arkiv	ArkivsakID
Asbjørn Nagell Toft	FE-140	22/713

Detaljregulering for fv. 565 Alversundbrua - Offentleg ettersyn - Merknad frå Austrheim kommune

Vedlegg

Detaljregulering for fv. 565 Alversundbrua - Offentleg ettersyn og høyring

Framlegg til vedtak:

Austrheim kommune sin uttale til planframlegget for Detaljregulering for fv. 565 Alversundbrua er vist i saksutgreiinga under.

Formannskapet - 054/23 - 08.06.2023

FS - behandling:

Einingsleiar Asbjørn Nagell Toft orienterte om saka, jamfør saksutgreiinga.

Helge Dyrkolbotn (Krf) sa at dette er ei god uttale, Austrheim har god nytte av brua og dessutan er det mykje båttrafikk i leia der. Ordføraren sa seg eining i dette.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Formannskapet tilrår:

Austrheim kommune sin uttale til planframlegget for Detaljregulering for fv. 565 Alversundbrua er vist i saksutgreiinga under.

Kommunestyret - 043/23 - 22.06.2023

KS - behandling:

Avdelingsleiar plan Asbjørn Toft orienterte om saka, jamfør saksutgreiinga.

Handsaming i kommunestyret:

Kommunedirektøren sitt framlegg vart samrøystes vedteke.

KS - vedtak:

Austrheim kommune sin uttale til planframlegget for Detaljregulering for fv. 565 Alversundbrua er vist i saksutgreiinga under.

Saksopplysninger:

Detaljregulering for fv. 565 Alversundbrua er no på offentlig ettersyn. Vestland fylkeskommune har i samarbeid med Alver kommune utarbeidd eit god detaljreguleringsplan for Fv. 565 Alversundbrua.

På denne linken kan ein lesa plandokumenta:

<https://www.alver.kommune.no/innhald/politikk-og-hoyringar/hoyringar-og-kunngjeringar/hoyring-pa-reguleringsplan-for-alversundbrua>

Uttale frå Austrheim kommune til planforslaget Detaljregulering for Fv. 565 Alversundbrua er:

Austrheim kommune er positiv til at formålet med planen er å leggje til rette for eit godt vegsystem som gir god framkomst og god tryggleik for alle trafikantergrupper. Austrheim kommune ser på ny Alversundbru som svært viktig for heile regionen, og for ei positiv utvikling for innbyggjarane og næringslivet vidare. Dette er den viktigaste tilkomstvegen for mange i vår kommune, men og for folk i nabokommunen Fedje. Det er mange pendlarar frå Austrheim, Fedje, Alver og Bergenregionen som brukar denne fylkesvegen dagleg.

Austrheim kommune ber om at ferdselen på sjø og land vert mest mogeleg uforstyrta i anleggstida. Det er om lag 6.000 bilar som passerer her i døgnet. Denne strekninga er ein svært viktig del av Fv. 565 i Nordhordland. Den indre farleia er ein av dei meste trafikkerte skipsleiene i Norge, både for nyttetrafikken, men og for fritidsreiser med båt. Her går det mange yrkesbåtar heile døgnet. Skipsleia her er og viktig for passasjertrafikken som går med snøggbåtar til og frå Sogn- og Fjordane og Bergen. Austrheim kommune ber om at dette vert ivareteke i planarbeidet vidare.

Austrheim kommune ser fram til å få ei moderne bru over Alverstraumen og vonar at den kan verta bygd så fort som mogeleg. Austrheim kommune er glad for at planarbeidet er kome godt i gang, og synes planframlegget er godt gjennomarbeidd.

Vurdering:

Kommunedirektøren viser til uttalen i saksutgreiinga og rår til at Austrheim kommune sender den inn

til Alver kommune innan høyringsfristen som er satt til den 28.06.2023.

Konklusjon:

Austrheim kommune sin uttale til planframlegget for Detaljregulering for fv. 565 Alversundbrua er vist i saksutgreiinga.

Sakspapir

Saksnr	Utvalg	Type	Dato
003/23	Valnemnda	PS	02.05.2023
044/23	Kommunestyret	PS	22.06.2023

Sakshandsamar	Arkiv	ArkivsakID
Ketil Tjore	FE-033	22/1154

Val av medlemmer til prosjektgruppe - energi

Framlegg til vedtak:

Medlemmer i prosjektgruppe for energi:

- Reidar Øksnes
- Rolf Vik
- Maria Sognnes
- Ådne Utkilen
- Helge Dyrkolbotn
- Nikolai Fivesdal Semmingsen
- Aslak Bakke

Prosjektgruppa konstituerer seg i første møte.

Valnemnda - 003/23 - 02.05.2023

VAL - behandling:

Desse kandidatane var melde inn frå partia:

- Arbeidarpartiet: Rolf Vik, Reidar Ulvøy
- Senterpartiet: Reidar Øksnes
- Kristelig folkeparti: Helge Dyrkolbotn
- Høgre: Aslak Bakke, Maria Sognnes, Oskar Føyen, Roar Sognnes, Nicolai Fivesdal Semmingsen
- Bygdelista: Ådne Utkilen, Jan Nordø

Valnemnda sette saman ei liste på sju namn, som framlegg til vedtak i kommunestyret.

Valnemnda føresler at gruppa konstituerer seg i første møte.

Handsaming i valnemnda:

Samrøystes for felles framlegg til vedtak.

VAL - vedtak:

Medlemmer i prosjektgruppe for energi:

- Reidar Øksnes
- Rolf Vik
- Maria Sognnes
- Ådne Utkilen
- Helge Dyrkolbotn
- Nikolai Fivesdal Semmingsen
- Aslak Bakke

Prosjektgruppa konstituerer seg i første møte.

Kommunestyret - 044/23 - 22.06.2023

KS - behandling:

Her var det meldt opp feil sak.

Den saka som skulle vore handsama var **"Mandat og budsjett for arbeidsgruppa og prosjektgruppa for energiproduksjon og energisparing i Austrheim kommune"**

Denne saka er lagt inn i protokollen etter dei andre sakene. Sjølv vedtaket vart gjort under 036/23 (orienteringssaka).

KS - vedtak:

Lagt inn rett sak etter dei andre sakene.

Saksopplysninger:

Kommunestyret vedtok i møtet 13. april at:

Austrheim kommune oppretter og ei politisk utnemnd prosjektgruppe som skal kartlegga kva moglegheiter det er for bedrifter og privatpersonar til å produsera energi sjølv i kommunen. Gruppa skal også vurdere korleis bedrifter og hushaldningar kan redusere sitt energiforbruk. Gruppa skal også kartleggja kva tilskots- og støtteordningar som finst. Gruppa bør ha som mål å gjennomføre ein ny Energikonferanse hausten 2023 der dette er tema. Leiar for miljø, plan og byggesak Asbjørn Nagell Toft, vert sekretær for prosjektgruppa. Dei politiske partia nominerer sine kandidatar inn i prosjektgruppa, dei treng ikkje vera politikarar.

Prosjektgruppa skal ha 5-7 medlemmer. Kandidatane skal meldast inn til valnemnda innan 28. mars, og valnemnda skal ha desse klare til møtedagen 2. mai.

I samråd med leiar av valnemnda, Ann Kristin Leirvåg, er fristen for å melda inn kandidatar flytta til måndag 1. mai.

Namn skal meldast inn til Ann Kristin Leirvåg, på kristin1964@gmail.com

Så tar valnemnda eit møte tysdag 2. mai klokka 09.30 (ein time før resten av kommunestyret skal komma), for å samlast om eit framlegg denne prosjektgruppa.

Kommunestyret kan så gjera vedtak seinare i løpet av todagarssamlinga.

Sakspapir

Saksnr	Utvalg	Type	Dato
057/23	Formannskapet	PS	08.06.2023
045/23	Kommunestyret	PS	22.06.2023

Sakshandsamar	Arkiv	ArkivsakID
Atle Vaage	TI-&46, FE-665	23/657

Vedlikehaldsplan bygningar og anlegg, Austrheim kommune

Vedlegg

Vedlikehaldsplan Austrheim kommune

Framlegg til vedtak:

Vedlikehaldsplan for Austrheim kommune vert godkjent slik den ligg føre. Økonomiske rammer for planlagt vedlikehald, vert fastsett kvart år i samband med handsaming av kommunen sitt budsjett og økonomiplan.

Formannskapet - 057/23 - 08.06.2023

FS - behandling:

Einingsleiar Atle Vaage orienterte om saka. Bakgrunn er at eininga skal lage ein vedlikehaldsplan. Med denne saka legg ein prinsippa for korleis eininga skal tenkje. Dette er strategien, kostandane kjem i budsjettet. Det er etterslep på vedlikehald og det blir lagt opp til 5års syklusar i denne plan for førebyggjande vedlikehald og utanfor plan blir det kun akutte tilfelle gjort noko med. Eigedommane som Austrheim kommunale eigedomsselskap har overtatt blir ikkje omfatta av planen, der har selskapet ansvar for vedlikehald medan Austrheim kommune har ansvar om noko blir øydelagt. Fleire tok ordet og var samd i at dette var bra og at det vil gi forutsigbarheit i arbeidet.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Formannskapet tilrår:

Vedlikehaldsplan for Austrheim kommune vert godkjent slik den ligg føre. Økonomiske rammer for planlagt vedlikehald, vert fastsett kvart år i samband med handsaming av kommunen sitt budsjett og økonomiplan.

Kommunestyret - 045/23 - 22.06.2023

KS - behandling:

Einingsleiar teknisk drift Atle Vaage orienterte om saka, jamfør saksutgreiinga.

Britt Skaalevik Lerøy (Ap) spurte om ein tenkjer på førebygging, og kva slags vedlikehaldsplanleggingsverktøy som vert brukt.

Vaage svara at dette vedlikehaldet skal vera førebyggjande, mot akutt vedlikehald. Det systemet som er i bruk er FDV-systemet Facilit, som vert brukt til å styra arbeidet.

Handsaming i kommunestyret:

Formannskapet si tilråding til vedtak vart samrøystes vedteke.

KS - vedtak:

Vedlikehaldsplan for Austrheim kommune vert godkjent slik den ligg føre. Økonomiske rammer for planlagt vedlikehald, vert fastsett kvart år i samband med handsaming av kommunen sitt budsjett og økonomiplan.

Saksopplysninger:

Bakgrunn

Austrheim kommune har dei siste åra ikkje hatt ein samla plan for langsiktig vedlikehald av kommunen sine eigedomar. Årsaka har mellom anna vore den økonomiske situasjonen der kommunen har vore på ROBEX-lista. Det har dermed ikkje vore midlar til å planlegga og gjennomføra langsiktig, verdibevarande vedlikehald.

Dei fleste tiltak av større karakter som er sett i verk, har vore resultat av politiske enkeltvedtak. Til ein viss grad har slike enkeltvedtak vore sett i verk, utan at det først er gjort ei samla vurdering og prioritering av alle nødvendige vedlikehaldstiltak.

Kommunestyret vedtok 15.12.2022 at det skulle utarbeidast ein langsiktig vedlikehaldsplan.

Saksopplysningar

Planlagt, langsiktig vedlikehald er ein viktig del av eigedomsforvaltninga i ein kommune. Det er

vanleg å dela eigedomsforvaltning i tre nivå;

- Strategisk nivå som vedtek overordna målsetnad og rammer for eigedomsforvaltninga.
- Taktisk nivå som set avgjerdene på strategisk nivå ut i livet.
- Eit operativt nivå som utfører drifts- og vedlikehaldsoppgåver.

I ein kommune vil kommunestyret utgjera det strategiske nivået. Strategisk nivå si rolle er å avgjera kva eigedomar kommunen skal ha, kor desse skal ligga og eigarform. Vidare å vedta overordna strategi og økonomiske rammer for vedlikehald.

Den administrative leiinga utgjer taktisk nivå, medan operativ nivå typisk vil vera den eininga som har det daglege ansvaret for å følgja opp eigedomane. Det er desse to nivå som kartlegg vedlikehaldstiltak og prioriterer desse.

Dei overordna strategiane i framlegget til vedlikehaldsplan for Austrheim er;

- At kommunen som hovudregel nyttar tilstandsbasert vedlikehald på alle eigedomar.
- At vedlikehaldet skal syta for at kommunen sine eigedomar oppfyller aktuelle lover, forskrifter og standardar.
- At vedlikehaldsarbeid har som målsetnad å oppretthalda verdien og funksjonaliteten til eigedomane.

Det er vidare lagt opp til ein arbeidsmetodikk der eigedomsmassen er delt i fem jamstore delar i ein femårs syklus. For kvart år vert det utført tilstandsvurderingar for dei aktuelle eigedomane, deretter prioritering av tiltak ut frå vedteken økonomisk ramme, anbudsprosessar og utføring.

Dette medfører at vedlikehaldsåret går noko på tvers av kalenderår/budsjettår. Nødvendige tilstandsvurderingar må gjerast om hausten, slik at ein er klar til å setja i verk arbeidet så snart budsjettvedtaket er gjort i desember. Standard og referansenivå for vedlikehald er definert på førehand i vedlikehaldsplanen. Kva referansenivå ein nyttar, vil delvis vera basert på byggjeår, dels på gjeldande lovar, reglar og standardar.

Denne metodikken skal gjera det forutsigbart for brukarane kor tid dei kan forventa vedlikehald hjå seg, og kva standard/nivå dei kan forventa. Samstundes er ein konsekvens for brukarane at det ikkje kan forventast større vedlikehald i dei åra som går mellom kvar gong ein eigedom står for tur.

Vurdering

Austrheim har per i dag eit etterslep på vedlikehald. Det vert i svært liten grad utført planlagt vedlikehald. Hovudtyngda av vedlikehaldet som vert utført, er reparasjonar på grunn av manglande funksjon eller hærverk. Kommunedirektøren ser det som avgjerande å koma over på langsiktig, planlagt vedlikehald for å sikra at eigedomsmassen har den tilstand som ein ønskjer.

Framlegg til vedlikehaldsplan legg opp til jamlege tilstandsvurderingar av kommunen sine eigedomar, og vedlikehald etter standardar definert på førehand. Dette vil slik kommunedirektøren vurderer det skapa ein forutsigbar situasjon for både brukarane og kommunen si eigedomseining.

På sikt vil overgang til meir planlagt vedlikehald og redusera behovet for midlar til utføresette reparasjonar.

Konsekvens for folkehelse

Sjølve vedlikehaldsplanen har ingen direkte konsekvens for folkehelse. Men vedlikehaldstiltaka som er retta mot mellom anna tryggleik og ventilasjon/inneklima, kan gje positivt bidrag til folkehelsa gjennom betra tilhøve for brukarar og tilsette.

Konsekvens for miljø

Auka satsing på vedlikehald vil medføre noko større forbruk av bygningsmateriell og energi. Såleis kan ei slik satsing seiest å ha ein viss grad av negativ effekt på miljøet. Men samstundes vil delar av arbeidet dreia seg om oppgraderingar for å redusera energiforbruk, og utskifting av eldre komponentar med miljøskadeleg innhald. Vidare har ein i planlagt vedlikehald høve til å velja løysingar og materialar med lengre levetid. Samla sett er den miljømessige konsekvensen difor vurdert å vera positiv.

Økonomi

For å kunna driva etter ein langsiktig vedlikehaldsplan, er det avgjerande med stabile, langsiktige økonomiske rammer. Avsett sum til vedlikehaldsplan bør vera mest mogleg likelydande kvart av åra i økonomiplanen.

Å arbeida i tråd med strategiane i planen, vil krevja auka løyvingar til drift og vedlikehald. Dei økonomiske utsiktene tyder på at den totale ramma til Austrheim ikkje kan aukast vidare dei næraste åra. Det vil i praksis sei at auka satsing på vedlikehald må gjennomførast gjennom politisk omprioritering av midlar frå dei andre sektorane.

For å unngå at kostbare enkeltprosjekt tek for stor del av den totale ramma til vedlikehald kvart år, kan desse flyttast over til økonomiplan. Konsekvens av dette vil vera auke i kommunen si gjeld, og dermed noko redusert moglegheit til å låna pengar til andre prosjekt.

Ein langsiktig vedlikehaldsplan vil gje kommunen høve til å sjå fleire prosjekt samla i både innkjøp av materiell og anbudsprosessar for utføring. Konsekvens av dette skal bli at ein får meir for pengane enn kva ein gjer viss ein utfører mange mindre enkeltjobbar.

Konklusjon

Framlegget til vedlikehaldsplan vil slik kommunedirektøren ser det føra til betre planlegging, prioritering og samordning av vedlikehaldet, og betre utnytting av dei ressursane kommunen nyttar til vedlikehald. Kommunedirektøren rår difor kommunestyret til å vedta planen slik han ligg føre.

Sakspapir

Saksnr	Utvalg	Type	Dato
046/23	Kommunestyret	PS	22.06.2023

Sakshandsamar	Arkiv	ArkivsakID
Kari Torkildsen Utkilen	FE-113	23/728

Kulturmiljøplan for kystkommunen Austrheim 2023 - 2032 - frå steinalder til oljealder Lagt ut på høyring med frist 20. august 2023

Vedlegg

Hamneboltar i Austrheim kommune
Sjømerke i Austrheim kommune
Kulturminneskilt Vardetangen
Vegen til fastlandet - elevarbeid
Skilt steinalderstien Fosnstraumen
Fonnes før i tida
Kulturmiljøplan

Framlegg til vedtak:

Kulturmiljøplan for kystkommunen Austrheim 2023-2032 - frå steinalder til oljealder, vert lagt ut på høyring med høyringsfrist 20. august 2023.

Kommunestyret - 046/23 - 22.06.2023

KS - behandling:

Avdelingsleiar Kari T. Utkilen orienterte om saka, jamfør saksutgreiinga. Planen vil bli trykt opp som hefte til utlån og til skulane, i tillegg til den digitale utgåva.

Varaordførar Inger Lise Brekke (H) takka for planen. Spurte om det var rett å bruka oljealder i tittelen sidan denne no er i ferd med å bli fasa ut.

Reidar Øksnes (Sp) spurte om høyringsfristen burde vore ein annan, lengre etter sommaren. Øksnes spurte vidare om bygningsmønster, om dette burde vore omtala. Etterlyste også bruken av krossar i berg som merke, og steinar som er lagt ned som «vitne» til merking. Øksnes sa at samla sett er planen eit godt arbeid.

Per Lerøy (Ap) gratulerte med ein fantastisk flott kulturmiljøplan. Men hadde Statsforvaltaren vore for 500 år sidan hadde Bryggen aldri blitt bygd.

Handsaming i kommunestyret:

Kommunedirektøren sitt framlegg vart samrøystes vedteke.

KS - vedtak:

Kulturmiljøplan for kystkommunen Austrheim 2023-2032 - frå steinalder til oljealder, vert lagt ut på høyring med høyringsfrist 20. august 2023.

Saksopplysninger:

Bakgrunn

Austrheim kommune starta opp arbeidet med planprogram for kulturminneplanen i 2015. Kulturminneplanen har fått tittel: **«Kulturmiljøplan for kystkommunen Austrheim 2023-2032, frå steinalder til oljealder»**. Det er ein temaplan og kommunen fekk tilskot til planarbeidet frå Riksantikvaren. Mona Brekkan var tilsett i 50% prosjektstilling i ein periode i 2016 for å laga eit planframlegg. Ei administrativ, tverrfagleg arbeidsgruppe og to representantar frå Kyst- og sogelaget har stått sentralt i arbeidet med planen. Innbyggjarar, eldsjeler, råd og lag har kome med innspel. På grunn av endringar i organisasjonen har arbeidet med ferdigstilling av planen teke tid. Kulturminneplanen er revidert og tilpassa ny organisasjon og endringar i Austrheim kommune, Vestland fylkeskommune, overføringa av oppgåver frå Riksantikvaren til regionalforvaltninga. Kulturverntenesta i Nordhordland, og kommunesamanslutningar. Kulturverntenesta i Nordhordland ved Solveig Jordal og Arild Sætre, plansjef Asbjørn Toft og leiar for kultureininga Kari Torkildsen Utkilen har slutført kulturmiljøplanen som vert lagt ut på høyring.

Vurdering

Klima- og miljødepartementet har ansvar for forvaltninga av både kulturminne og naturressursar, og Riksantikvaren er det statlege direktoratet for fagfeltet.

Kulturminneplanen har fått tittelen:

«Kulturmiljøplan for kystkommunen Austrheim 2023-2032 - frå steinalder til oljealder».

Omgrepet «kulturmiljø» vart innført av Storting i Meld. St. 16 2019-20, og dekker «kulturminne, kulturmiljø og landskap» som eit samleomgrep. Eit viktig tiltak i Riksantikvarens satsing er at kommunane lagar kulturmiljøplanar. Hovudføremålet er å komma i gang med å jobba målretta og kontinuerleg med kulturmiljø då desse ikkje er fornybare ressursar, setja dei på den politiske agendaen og gjera dei kjende. Det er eit nasjonalt mål at kommunane skal leggja til rette for at nye generasjonar skal vera stolte over eigen identitet, språk, kultur og opphav slik at dei vert godt rusta til å ta vare på spora frå fortida for framtida. Kulturmiljø er alle dei spora etter menneskeleg aktivitet og historie som omgjev oss. Det kan vere alt frå kyrkjer og kaihusar, til steinalderbuplassar og spor frå andre verdskrig. Eller eit jordbrukslandskap forma gjennom fleire hundre år med iherdig arbeid. Desse spora er ressursar for kunnskap, opplevingar og bruk både no og i framtida. Kulturmiljø har både miljømessige, sosiale og økonomiske verdiar. Kulturminne, kulturmiljø og kulturlandskap er ein del av bygda eller kommunen sitt kollektive minne. Ved rett

forvaltning og bruk fungerer dei som viktige miljø- og identitetsskapande element.

Kulturminne er konkrete spor etter menneske som levde før oss i det fysiske miljøet vårt. Dei omfattar også stader det er knytt historiske hendingar, tru eller tradisjonar til. Kulturminne kan til dømes vera hus, gravhaugar, tufter, båtar og vegar. Desse kan vera frå tidlegare tider eller frå vår eiga tid

Austrheim kommune er ein kystkommune med 489 øyer og holmar. Kombinasjonen av jord- og sjøbruk var tidlegare heilt avgjerande for å overleva. Kulturminna speglar kvardagen til menneska som bur og verkar i eit område, og det er viktig å vera stolt over dei spora folka før oss sette, læra om dei og ta vare på dei. Vi kan ikkje ta vare på alt. Vi kan leggja til rette for at nye generasjonar skal vera stolte over eigen identitet, språk, kultur og opphav. Kulturmiljøplanen skal gjera det lettare for oss å finna svar på kva for kulturminne ein skal verna og prioritera i kystkommunen Austrheim. Ved grensa mot nabokommunen Alver, på Lindåshalvøya, ligg Mongstadmuséet som formidlar oljealderen. Ved kommunegrensa mot Radøy ved Fosnstraumen er det mange funn frå steinalderbusetnad.

Målet er at viktige kulturminne skal vera i bruk og formidlast, og at dei er både synlege og tilgjengelege. Skapa føreseielege tilhøve for eigarar av kulturminne, og informera om tilskotsordningar. Synleggjera potensiale for bruk av kulturminne gjennom vern til næringsføremål. Skapa eit godt grunnlag for ei heilskapleg kulturminneforvaltning, mellom anna til bruk i samband med planarbeid og byggesakshandsaming. Skapa grunnlag for prioritering av budsjettmidlar. Styrkja samhandlinga mellom kommunen og eigarane av kulturminne, samt frivillige lag og organisasjonar.

Kulturmiljøplanen er positiv for folkehelsa, og nokre av kulturminna kan sjåast i samanheng med turstiar.

«I fortida er dei røtene feste som notida skal bygge si framtid på». Eit godt sitat frå muséet på Mongstad. Planen tek omsyn til FN sine berekraftsmål. Ein kulturmiljøplan vil ha ein positiv verknad for miljøet, for Austrheim kommune og sin del av Nordhordland UNESCO BIOSFÆRE: «Nordhordland er valt ut som eit UNESCO biosfæreområde fordi regionen på ein framifrå måte kan stå som læringsområde for berekraftig utvikling. Dette er regionen som er best eigna til å representere det moderne og framtidsretta, godt rotfesta i vår natur- og kulturarv: Vi er eit lite stykke Noreg». Ref. nettsida: <https://nordhordlandbiosphere.no/>

Kapittel 14: Handlingsplan.

Handlingsplanen skal rullerast årleg og handsamast i kommunestyret. Tiltaka i handlingsplanen skal byggja opp under målsetjingar, og prioriteringar i planen. Tiltaka skal ha fokus på kystkultur, og Austrheim sin plass i historia frå steinalder til oljealder.

Handlingsplanen er delt inn i tre arbeidsområde:

- **Tiltak forvaltning**
- **Tiltak formidling**
- **Tiltak bevaring og tilrettelegging**

Tilskotsordningane må vere med i den årlege budsjettprosessen:

- *Tilskotsordning til formidling
- ** Tilskotsordning til vøling

Det er statlege og fylkeskommunale tilskotsordningar som stillar krav om at kommunen har vedteke

ein kulturmiljøplan, og prioritet kulturminna i kommunen for at det kan løyvast tilskot til: restaurering, vøling, formidling og skjøtsel. Bidrar kommunen med tilskot er det større sjanse for at eigar av kulturminne også får tilskot frå andre aktørar. Eigar vil som oftast sjølv måtte stå for det meste av finansieringa og arbeidet.

I ferdig kulturmiljøplan vil det vere med fleire bilete og dronebilete, samt kart.

Konklusjon

Kulturmiljøplan for kystkommunen Austrheim 2023-2032 - frå steinalder til oljealder, vert lagt ut på høyring med høyringsfrist 20. august 2023.

Sakspapir

Saksnr	Utvalg	Type	Dato
047/23	Kommunestyret	PS	22.06.2023

Sakshandsamar	Arkiv	ArkivsakID
Anne Hildegunn Færøy	FA-H12, TI-&0	23/738

Forskrift for langtidsplass på sjukeheim i Austrheim kommune

Vedlegg

Forskrift for tildeling av langtidsopphald i sjukeheim i Austrheim kommune

Kopi av sak frå 2017 - Forskrift for tildeling av langtidsopphald i sjukeheim i Austrheim kommune

Framlegg til vedtak:

Kommunestyret i Austrheim vedtar framlegg til Forskrift for tildeling av langtidsopphald i sjukeheim i Austrheim kommune- kriterier og ventelister, slik den ligg føre.

Forskrifta vert gjort gjeldande frå og med 1. juli 2023.

Kommunestyret - 047/23 - 22.06.2023

KS - behandling:

Frå denne saka gjekk Magnus Kvingedal inn for Solveig Hopen i Høgregruppa. Kvingedal hadde tidlegare gått ut av møtet då varaordførar Inger-Lise Brekke var på plass (Brekke hadde permisjon i starten av møtet).

Kommunalsjef hlse og velferd Anne Hildegunn Færøy orienterte om saka, jamfør saksutgreiinga.

Handsaming i kommunestyret:

Kommunedirektøren sitt framlegg vart samrøystes vedteke.

KS - vedtak:

Kommunestyret i Austrheim vedtar framlegg til Forskrift for tildeling av langtidsopphald i sjukeheim i Austrheim kommune- kriterier og ventelister, slik den ligg føre.

Forskrifta vert gjort gjeldande frå og med 1. juli 2023.

Saksopplysninger:

Bakgrunn

Juni 2016 gjorde Stortinget endringer i pasient- og brukarrettighetslova og i helse- og omsorgstenestelova om rett til opphald i sjukeheim eller bustad særskilt tilrettelagd for heildøgns tenester, kriterier og ventelister. Pasient eller brukar som fyller kriteria for tildeling av langtidsopphald eller opphald i tilsvarende bustad særskilt tilrettelagd for heildøgns tenester etter helse- og omsorgstenestelova §3-2 a, andre ledd, har rett til vedtak om dette, jf pasient- og brukarrettighetslova § 2-1 e, første ledd.

Retten er knytt til helse- og omsorgsfagleg vurdering av kva tilbod som kan sikre pasient eller brukar naudsynte og forsvarlege helse- og omsorgstenester.

Endring i helse- og omsorgstenestelova § 3-2 a medfører plikt for kommunane til å utarbeide forskrift med kriterier for tildeling av langtidsopphald i sjukeheim eller tilsvarende bustad særskilt tilrettelagd for heildøgns tenester.

Kommunen skal fatte vedtak om opphald dersom kriteria er oppfylt, og føre venteliste over pasientar og brukarar som ventar på langtidsopphald i sjukeheim eller tilsvarende bustad. Forskrifta skal og omfatte pasientar og brukarar som ville vere best tente med slikt opphald, men der det er forsvarleg at vedkomande bur heime i påvente av opphald. Kommunen skal då svare for korleis dei vil følgje opp i ventetida (jf lov om kommunale helse- og omsorgstenester §3-2 a).

Slik omsorgstrappa er i Austrheim kommune, vil denne forskrifta gjelde for sjukeheimstena/ Nordliheimen.

Føremålet med forskrifta er å sikre at pasient og brukar får naudsynte og forsvarlege omsorgstenester, jf. helse- og omsorgstenesteloven § 3-2 a, i samsvar med rettighetsbestemmelse i pasient- og brukarrettighetsloven §2-1 e.

Forskrifta skal fastsette Austrheim kommune sine kriteria for tildeling av langtidsopphald i sjukeheim, samt skildra korleis pasient eller brukar kan ivaretakast i ventetida.

Med bakgrunn i lovendringa vart *Forslag til Forskrift for tildeling av langtidsopphald i sjukeheim i Austrheim kommune- kriterier og venteliste* utarbeidd og lagt fram til politisk handsaming i 2017.

15.06.2017: Formannskapet handsama forskrifta og vedtok saka med følgjande framlegg til endring og tillegg:

« § 2. Verkeområde "Austrheim kommune sitt tilbod om plass i bufellesskap – Vestlia, omfattast ikkje av forskrifta" vert stroke.

*§ 5. Grunnlag for vurdering og tildeling eller avslag
Ved tildeling vil ein særskilt legge vekt på følgjande kriterier:*

Nytt pkt. d)

Par skal få moglegheit til å bu saman på sjukeheimen sjølv om berre ein har fått vedtak om langtidsopphald.

Det skal leggjast til grunn at den andre part også treng helse- og omsorgstenester, samt delvis oppfyller kriterier for tildeling av korttidsopphald. Eigenandelen for opphaldet skal vere etter

gjeldande satsar for korttidsopphald.

Nytt pkt. e)

Langtidsopphald skal i hovudsak nyttast for personer over 67 år.

Samrøystes vedtak:

§ 2 stryk setningen "Austrheim kommune sitt tilbod om plass i bufellesskap - Vestlia - , omfattast ikkje av forskrifta. Forslag til § 5 vert oversendt rådmann til vurdering. Vurderinga skal leggjast fram att til politisk handsaming.»

22.06.2017: Kommunestyret handsama saka, med fylgjande vedtak:

«Framlegget til forskrift vert vedtatt slik den lå føre med fylgjande endring/justering:

-Setninga " Austrheim kommune sitt tilbod om plass i bufellesskap - Vestlia, omfattast ikkje av forskrifta " vert strøke.

-Forslag til § 5 vert oversendt rådmannen til vurdering. Vurderinga skal leggjast fram att til politisk handsaming innan februar 2018.

Forskrifta er gjeldande frå og med 1. juli 2017.»

Vurdering

Endringane i lovverket omhandlar tildeling av langtidsopphald i sjukeheim og bustad særskilt lagt til rette for heildøgnsstenester. I Austrheim kommune er det per i dag ikkje bustader som er særskilt tilrettelagt for heildøgnsstenester. Denne forskrifta gjeld derfor opphald i sjukeheim på Nordliheimen. Dei som bur heime i private bustader og omsorgsbustader, får tenester av heimetenesta. Heimetenester kan bli gitt heile døgeret, i hovudsak på fastsette tider etter brukaren sitt behov.

Austrheim kommune tilbyr ulike tenester til personar med trong for helse- og omsorgstenester på dei ulike nivåa i omsorgstrappa. Dette for å kunne møte auke i trong for hjelp med meir omfattande tenestetilbod av ulik art. Austrheim kommune legg til grunn at prinsippet om beste effektive omsorgsnivå (BEON) skal følgjast ved tildeling av tenester. Dette har påverka utforminga av kriteria.

Forskrifta gjeld alle som bur eller oppheld seg i Austrheim kommune, og som har behov for langtidsopphald i sjukeheim, der dette er det einaste tilbodet som kan gje naudsynte og forsvarlege helse- og omsorgstenester. Diagnose og/eller alder er ikkje eit kriterie for tildeling av langtidsopphald i sjukeheim.

Forvaltningslova - krav til førehandsvarsling, uttale frå interesserte og til kunngjering av forskrifta.

Kommunedirektøren finn at framlegg til *Forskrift for tildeling av langtidsopphald i sjukeheim i Austrheim kommune- kriterier og ventelister* var publisert i lokalavisene i 2017 lagt ut på høyring. Det

kom ingen skriftlege innspel i høyringa.

Forvaltningslova viser til at forskrifta skal gjerast kjent for offentlegheita m.v. og kunngjerast i Norsk Lovtidend (lovdata.no) før den kan gjerast gjeldande.

Kommunedirektøren finn ikkje at framlegg til forskrift vart lagt fram til endeleg handsaming i 2018, slik kommunestyret vedtok i 2017. Ein finn heller ikkje at forskrifta er gjort tilgjengeleg på kommunen si heimeside eller i Norsk Lovtidend, slik forvaltningslova krev.

Austrheim kommune har fylgt moment og kriterier i forskrifta som var handsama i 2017, og kommunedirektøren er trygg på at innbyggjarane har fått dei tenestene dei har rett på til rett tid, og på rett nivå. Men sidan forskrifta ikkje er lagt fram til endeleg godkjenning og publisering ber ein kommunestyre gjere ei endeleg handsaming av forskrifta.

Med bakgrunn i ovannemnte har kommunedirektøren gjennomført ein ny gjennomgang av forskrifta og gjort nokre mindre redaksjonelle tilpassingar, slik at forskrifta er i tråd med gjeldande organisering og rutinar for tildeling av langtidsplass i sjukeheim.

Når det gjeld formannskapet sine innspel frå 2017 er §2, andre avsnitt fjerna. Når det gjeld innspel til §5, nytt pkt d og e, så finn ikkje kommunedirektøren det forsvarleg eller rett å legge inn slike føringar i denne forskrifta.

Kommunale helse- og omsorgstenester har vore i stor endring dei siste åra, og tildeling av langtidsopphald i sjukeheim skal skje utifrå ei heilskapleg vurdering der ulike moment og kriterier skal leggst til grunn for vedtaket. Med bakgrunn i dette finn ikkje kommunedirektøren det rett å legge inn slike føringar i forskrifta.

Konklusjon

Kommunedirektøren tilrår at kommunestyret vedtar framlegg til Forskrift for tildeling av langtidsopphald i sjukeheim i Austrheim kommune- kriterier og ventelister, slik den ligg føre. Forskrifta vert gjort gjeldande frå og med 1. juli 2023.

Sakspapir

Saksnr	Utvalg	Type	Dato
058/23	Formannskapet	PS	08.06.2023
048/23	Kommunestyret	PS	22.06.2023

Sakshandsamar	Arkiv	ArkivsakID
Odd Harald Dommersnes	FE-212	23/686

Godkjenning av rekneskap 2022 for Austrheim Kommune

Vedlegg

Årsrekneskap Austrheim kommune 2022 - pr 17.04.2023

Revisjonsmelding Austrheim 2022

Rapport etter revisjon av årsrekneskapen 2022 for Austrheim kommune

Austrheim gjeldsrapport pr 31.12.22 (006)

Årsrapport 2022 - Austrheim kommune - endeleg utgåve 17.04.2023

Møteutskrift Austrheim Kontrollutval - 02.06.2023 - Uttale til årsmelding og årsrekneskap - Austrheim kommune

Oversendingsmail - uttale til årsmelding og årsrekneskap - Austrheim kommune

Årsrekneskap og årsmelding 2022 - møteutskrift sak 13/23

Framlegg til vedtak:

1. Kommunestyret godkjenner rekneskap for 2022.
2. Netto driftsresultat i rekneskap for 2022 blir i heilskap sett av til disposisjonsfond.

Formannskapet - 058/23 - 08.06.2023

FS - behandling:

Økonomi- og personalsjef Odd Harald Dommersnes orienterte om rekneskap og fekk tilbakemelding frå politikarane om at det var ein grei gjennomgang.

Det vart diskutert om ein får meir realistiske tal om ein budsjetterer med utgifter i samand med sjukefråvær og at leiarane og må jobbar i drift, dei er ikkje berre leiarar. Kommunedirektøren kommenterte at når det gjeld fastløn er vi ganske på budsjett og at det ligg ein produksjonsdel i leiarstillingane.

Under handsaming av årsrapport og rekneskap vart det bestemt at det skal vere ei synfaring på skulane før kommunestyreperioda er over.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Formannskapet tilrår:

1. Kommunestyret godkjenner rekneskap for 2022.
2. Netto driftsresultat i rekneskap for 2022 blir i heilskap sett av til disposisjonsfond.

Kommunestyret - 048/23 - 22.06.2023

KS - behandling:

Kommunedirektør Bjørnar Fjellhaug og økonomi- og HR-sjef Odd Harald Dommersnes orienterte om saka, jamfør saksutgreiinga.

Britt Skaalevik Lerøy (Ap) sa at kommunen nok brukar for mykje pengar. Kvar er kvalitetsnivået vårt, når inntektene er lågare enn kostnadene, så går det ikkje i lengda. Lerøy oppmoda administrasjonen til å vera tydeleg på kva finansieringa vert henta frå, når det er nye tiltak som skal innførast.

Reidar Øksnes (Sp) sa at kommunestyret/politikarane kanskje ikkje tok godt nok innover seg at dei tilsette var slitne etter Korona-perioden, og den flyktningkrisa som kom rett etterpå. Den neste utfordringa som vil komma er at det vert arbeidsinnvandrarar som vil reisa ut av landet for å bygga opp igjen Ukraina etter krigen, og som vil gjera det vanskelegare og dyrare å skaffa arbeidskraft i Austrheim. Må jobba for å hegna om dei som jobbar i Austrheim.

Inger-Lise Brekke (H) viste til at det har vore jobba hardt for å få kommunen ut av Robek, men det står att mykje arbeid for å komma dit ein vil. Men det er mange ting utanfor vår kontroll som påverkar, mellom anna renteauke, inflasjon, arbeidsløyse med meir. Må ha eit ekstra fokus på dei tinga der me kan påverka, som sjukefråvær og sosialutgifter.

Kommunedirektør Bjørnar Fjellhaug sa at Austrheim må leggja utgiftene etter inntektene, og halda igjen for å sikra ei berekraftig drift framover. Veit ikkje korleis det vert framover med auka rente og høgare kostnader.

Ordførar Per Lerøy (Ap) refererte framlegget til vedtak.

Handsaming i kommunestyret:

Formannskapet si tilråding til vedtak vart samrøystes vedteke.

KS - vedtak:

1. Kommunestyret godkjenner rekneskap for 2022.
2. Netto driftsresultat i rekneskap for 2022 blir i heilskap sett av til disposisjonsfond.

Saksopplysninger:

Bakgrunn.

Kommunestyret skal sjølv vedta årsrekneskapen på grunnlag av innstilling frå formannskapet.

Vedtaket må syna disponering av rekneskaps messig overskott eller dekning av rekneskapsmessig

underskott, jf. kommunelova § 48. 3. ledd.

Frå forskrift om årsrekneskap og årsberetning §10-1 hentast fylgjande:

1. ledd: Årsrekneskapen og årsberetninga skal vedtakast av kommunestyret og fylkestinget sjølv seinast seks månader etter at rekneskapsåret er avslutta.
2. ledd: Årsrekneskapen skal vere avlagt innan 15. februar i året etter rekneskapsåret.
3. ledd: Administrasjonssjefen eller kommune-/fylkesrådet utarbeidar årsberetninga, og legg den fram for det organ kommunestyret eller fylkestinget avgjer.

Frå forskrift om kontrollutval i kommunar og fylkeskommunar. § 7 hentast fylgjande:

Når kontrollutvalet er blitt førelagt revisjonsmeldinga frå revisor, skal utvalet gje uttale om årsrekneskapen før den blir vedteken av kommunestyret eller fylkestinget. Uttalen vert gjeve til kommunestyret eller fylkestinget. Kopi av uttalen skal vere formannskapet/kommunerådet eller fylkesutvalet/fylkesrådet i hende tidnok til at det kan takast omsyn til den før dette organet gir innstilling om årsrekneskapen til kommunestyret.

Årsrekneskapen er digital og ein finn den her: [Årsrekneskap 2022](#)

Vurdering

Driftsrekneskapen

Driftsrekneskapen for Austrheim kommune i 2022 syner eit rekneskaps messig mindreforbruk på kr 2 738 516. Hendingar etter balansedagen (31.12.22) fram til årsrekneskapen er avlagt skal berre innarbeidast i årsrekneskapen dersom hendinga gir informasjon om tilhøve som eksisterte på balansedagen og vil ha rekneskapsmessige konsekvensar for årsrekneskapen. Hendingar oppstått etter at årsrekneskapen er avlagt er kommunen ikkje pliktig å innarbeide i årsrekneskapen.

Revisjonsmeldinga og kontrollutvalet si uttale

Dersom det kjem fram tilhøve i revisjonsberetninga eller kontrollutvalet sin uttale som bør kommenterast av formannskapet, vil dette bli sendt fram i form av eit eige notat før saka skal handsamast av kommunestyret. Det er ein føresetnad at revisjonsmeldinga og kontrollutvalet si uttale ligge føre når kommunestyret skal handsama årsrapporten for Austrheim kommune med årsrapport og årsrekneskap.

Økonomiske vurderingar av årsrekneskapen for 2022 Dei økonomiske vurderingar, avvik og disponeringar er gjort greie for i årsrapporten under kapittel «økonomisk analyse og nøkkeltal». Du finn dei her i vedlagte årsrapport under. [Økonomisk analyse og nøkkeltal i årsrapport 2022](#)

Konklusjon

Netto driftsresultat er hovudindikatoren for økonomisk balanse i kommunesektoren, og er eit uttrykk for kva kommunen har til disposisjon til avsetjingar og investeringar. Austrheim kommune har i økonomireglementet sitt sett som mål at ein skal ha eit disposisjonsfond på 13 % av brutto driftsinntekter. Kommunedirektøren rår til at heile mindreforbruket i 2022 vert avsett til

disposisjonsfond

Sakspapir

Saksnr	Utvalg	Type	Dato
059/23	Formannskapet	PS	08.06.2023
049/23	Kommunestyret	PS	22.06.2023

Sakshandsamar	Arkiv	ArkivsakID
Bjørnar Fjellhaug	FE-004, TI-&14	23/438

Godkjenning av årsrapport for Austrheim kommune 2022

Vedlegg

Revisjonsmelding_Austrheim_2022

Møteutskrift Austrheim Kontrollutval - 02.06.2023 - Uttale til årsmelding og årsrekneskap - Austrheim kommune

Oversendingsmail - uttale til årsmelding og årsrekneskap - Austrheim kommune

Årsrekneskap og årsmelding 2022 - møteutskrift sak 13/23

Framlegg til vedtak:

Austrheim kommunestyre godkjenner årsrapport for 2022 slik den ligg føre.

Formannskapet - 059/23 - 08.06.2023

FS - behandling:

Kommunedirektør Bjørnar Fjellhaug orienterte om årsrapporten og fekk tilbakemelding frå politikarane at Framsikt gir god oversikt.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Formannskapet tilrår at Austrheim kommunestyre godkjenner årsrapport for 2022 slik den ligg føre.

Kommunestyret - 049/23 - 22.06.2023

KS - behandling:

Kommunedirektør Bjørnar Fjellhaug orienterte om saka, jamfør saksutgreiinga.

Handsaming i kommunestyret:

Formannskapet si tilråding til vedtak vart samrøystes vedteke.

KS - vedtak:

Austrheim kommunestyre godkjenner årsrapport for 2022 slik den ligg føre.

Saksopplysninger:

Bakgrunn

Kommunedirektøren har også i år, gleda av å levere ein digital årsrapport. Årsrapporten finn du på følgjande lenkje: [Årsrapport 2022 \(appublishframsikt-staging.azurewebsites.net\)](https://appublishframsikt-staging.azurewebsites.net)

Kommunedirektøren skal i medhald av Lov om kommuner og fylkeskommuner av 22.6.2018 nr. 83 §§14-6 og 14-7 sørge for at det skal for kvart kalenderår bli utarbeidd årsregnskap og årsrapport.

Kommunestyret skal vedta årsrekneskapen og årsrapport, etter innstilling frå formannskapet, jf. kommunelova §§ 142 og 14-3. Årsregnskapen skal handsamast samstundes med tilhøyrande årsmelding, jf. kommunelova § 14-3. Kontrollutvalet skal uttale seg til kommunestyret om årsrekneskapen og årsrapport før formannskapet innstiller til vedtak, jf. § 14-3.

Årsberetninga eller årsrapporten skal gjera greie for:

- a. forhold som er viktige for å vurdere den økonomiske utviklinga og stillinga, og om den økonomiske utviklinga og stillinga i vare tek den økonomiske handleevna over tid
- b. vesentlege beløpsmessige avvik mellom årsbudsjettet og årsregnskapet, og vesentlege avvik frå premissane til kommunestyret for bruken av løyvingane
- c. verksemda si måloppnåing og andre ikkje-økonomiske tilhøve som er av vesentleg avgjerd for kommunen eller innbyggjarane
- d. tiltak som er sett i verk og tiltak som er planlagd sett i verk for å sikre ein høg etisk standard
- e. den faktiske tilstanden når det gjeld kjønnslikestilling
- f. kva kommunen gjer for å oppfylle arbeidsgjevar si aktivitetsplikt etter likestillings- og diskrimineringsloven § 26.

Årsrekneskapen skal vera klar innan 22. februar (jf. § 14-6), og årsrapporten seinast 31. mars (jf. § 14-7).

Dei siste to åra har årsrapporten vore digital og kommunedirektøren er glad for at vi også i år leverer

ein god årsrapport som gjev eit godt oversyn over tenestene, økonomien og produksjonen i 2022.

Årsrapporten gjev eit godt oversyn over det gode tenestetilbodet som kvar dag blir levert. Vi leverer eit kvalitativt godt tenestenivå, men vi er i eit omstillings- og endringsarbeid inn mot framtidige demografiske utfordringar.

Årsrapporten gjer greie for dei ulike tenestedområda, måloppnåing, resultat, utfordringar og viktige hendingar. Årsrapporten gjev også oversikt over dei krav som lova set til kva årsrapporten skal innehalde. I tillegg er det gjort greie for avvik mellom budsjett og rekneskap og eventuelle vesentlege avvik frå måloppnåing. Ein syner til årsrapporten for innhald og gjev ikkje att meir i saksutgreiinga.

Årsrapporten ligg under vedlegg i pdf-format for dei som ynskjer å lese den slik, men i stor grad er framtida knytta til digitale løysingar og presentasjonar.

Kommunedirektøren vil rette ei stor takk til alle tilsette, tillitsvalde, ordførar og politikarar for godt samarbeid i 2022.

Revisjonsmelding 2022

[Revisjonsmeldinga](#) frå revisjonen vert vedlagt årsrapport og årsrekneskapen for 2022. Kontrollutvalet vil handsama revisjonsmeldinga i møte 02. juni og sender uttalen sin vidare til formannskapet og kommunestyret i etterkant av handsaminga.

Vi har i år fått ei rein revisjonsmelding, noko som tyder at den er gjeven utan atterhald. Revisjonsmeldinga viser også til at årsmeldinga inneheld dei opplysningane som skal vere med etter gjeldande lovkrav og at opplysningane om økonomi i årsmeldinga stemmer overeins med årsrekneskapen.

Årsrapporten og årsrekneskapen er levert innan fristane og har med dei vesentlege punkta og er etter lova. Revisjonsmeldinga syner at rekneskapen og årsrapport er etter lov og føresegn og gjeve utan atterhald.

Det har vore gjort eit godt arbeid med leveringa av årsrekneskap og årsrapport og ein har teke til følge dei merknader som var påpeika i revisjonsmeldinga for 2021.

Årsrekneskapen vert gjort greie for i eiga sak.

Vurdering

Kommunedirektøren legg fram digital årsrapport for 2022 med vedlegg til godkjenning for kommunestyret. Årsrekneskapen for 2022 vert lagt fram i eiga sak.

Kommunedirektøren sitt framlegg til vedtak:

Austrheim kommunestyre godkjenner [årsrapport for 2022](#) slik den ligg føre.

Sakspapir

Saksnr	Utvalg	Type	Dato
064/23	Formannskapet	PS	08.06.2023
050/23	Kommunestyret	PS	22.06.2023

Sakshandsamar	Arkiv	ArkivsakID
Odd Harald Dommersnes	FE-150	23/691

Tertial rapport 2023 med forslag til budsjettjusteringar

Vedlegg

Austrheim - gjeldsrapport pr 30.04.23 (002)

Presentasjon Austrheim NAV

Framlegg til vedtak:

1. Kommunestyret tar tertialrapporten og finansrapporten for fyrste tertial til vitande.
2. Kommunestyret godkjenner kommunedirektøren sitt framlegg til budsjettjusteringar på drift med ei auka kostnadsramme på 11,6 millionar kroner. Dei auka kostnadane blir dekkja gjennom at ein aukar budsjettet med tilsvarande på inntekt gjennom auka skatteanslag, rammetilskott og auka utbytte frå Eviny.
3. Kommunestyret godkjenner kommunedirektøren sitt framlegg til budsjettjusteringar på investering og kommunen tek eit låneopptak på kroner 5,1 millionar for å finansiere desse budsjettjusteringane.

Ynskjer at ein ikkje set av 2,5 monk, til Prosjekt K 90067 Næringstomt på Mongstad, ved denne budsjettjustering.

Årsak er at ein bør få framlagt ein rapport eller vurdering der det kjem klart fram at det er nødvending for å sikra vassleidningen og for salg/pris.

Formannskapet - 064/23 - 08.06.2023

FS - behandling:

Kommunedirektør Bjørnar Fjellhaug orienterte om rapporten og status på ulike prosjekt før Odd Harald Dommersnes la fram tala i rapporten.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Formannskapet tilrår:

1. Kommunestyret tar tertialrapporten og finansrapporten for fyrste tertial til vitande.
2. Kommunestyret godkjenner kommunedirektøren sitt framlegg til budsjettjusteringar på drift med ei auka kostnadsramme på 11,6 millionar kroner. Dei auka kostnadane blir dekkja gjennom at ein aukar budsjettet med tilsvarande på inntekt gjennom auka skatteanslag, rammetilskott og auka utbytte frå Eviny.
3. Kommunestyret godkjenner kommunedirektøren sitt framlegg til budsjettjusteringar på investering og kommunen tek eit låneopptak på kroner 5,1 millionar for å finansiere desse budsjettjusteringane.

Kommunestyret - 050/23 - 22.06.2023

KS - behandling:

Økonomi- og HR-sjef Odd Harald Dommersnes orienterte om saka, jamfør saksutgreiinga.

Reidar Ulvøy (Ap) sa at ein må jobba med å auka inntektene til kommunen, ved å ha industritomter klare til næringsliv, og bustadtomter klare til nye innbyggjarar til kommunen. Ulvøy spurte om kva som skjer på legekontoet med lang ventetid på telefonen, det må jobbast med å snu det negative bildet som er «på bygda» om helse/legekontor.

Reidar Øksnes (Sp) la fram eige framlegg om arbeid med vassleidning på Mongstad (lagt inn). Her kommenterte Per Lerøy at det handlar om kvar si side av vegen, sprenging og vassleidning på kvar si side. Elles handlar det om å ferdigstilla arealet til ulikt nivå, om ein sprenger ned knausen så vert det meir ferdig og kan seljast for ein høgare pris.

Kommunedirektør Fjellhaug svara Ulvøy at dette med telefonen til legekontoet skal sjekkast. Svara Øksnes at inntektene frå næringstomt skal settast av til sjukeheimen. Vassleidningen skal ordnast, men innanfor eksisterande VA-midlar. Må gjerast no for å selja tomta.

Inger Lise Brekke (H) sa at det ikkje er berre å skaffa nye innbyggjarar, like viktig å jobba med å redusera sosialutgifter og liknande for dei som alt bur her. Det er mange ungdommar som bur her som slit, det har mange årsaker. Må jobba med ungdommane for å få dei til å forstå at livet an vera vanskeleg, utan at det betyr at dei har problem.

Britt Skålevik Lerøy (Ap) spurte om kva som gjev auka vikarkostnader Nordliheimen. Her svara kommunalsjef Anne Hildegunn Færøy at ein såg på kor mykje vikar det var behov for, og det vart sett av ein million kroner til vikarar, men fekk berre ein av dei tre som trengst.

Om avrøystinga ba Reidar Øksnes (Sp) om at ein sette Sp sitt framlegg opp mot formannskapet si tilråding.

Framlegget frå Sp fekk støtte av Sp sine tre og fall.

Deretter heile framlegget frå formannskapet: Sams vedteke

Handsaming i Kommunestyret:

Formannskapet si tilråding til vedtak vart samrøystes vedteke

KS - vedtak:

1. Kommunestyret tar tertialrapporten og finansrapporten for fyrste tertial til vitande.
2. Kommunestyret godkjenner kommunedirektøren sitt framlegg til budsjettjusteringar på drift med ei auka kostnadsramme på 11,6 millionar kroner. Dei auka kostnadane blir dekkja gjennom at ein aukar budsjettet med tilsvarande på inntekt gjennom auka skatteanslag, rammetilskott og auka utbytte frå Eviny.
3. Kommunestyret godkjenner kommunedirektøren sitt framlegg til budsjettjusteringar på investering og kommunen tek eit låneopptak på kroner 5,1 millionar for å finansiere desse budsjettjusteringane.

Saksopplysninger:

Bakgrunn.

Oppfølging av budsjett og rapportering. Budsjettet skal følgjast opp gjennom budsjettåret, og økonomiske data skal rapporterast inn til kommunestyret og formannskapet etter gjennomgang på alle tenesteområda. Det skal i tillegg rapporterast til det nasjonale informasjonssystemet KOSTRA (Kommune-Stat-Rapportering).

Rapportering til politisk nivå

Kommunedirektøren har ansvaret for å rapportera om den økonomiske situasjonen til politisk nivå. Ved utgangen av kvart tertial skal kommunedirektøren leggja fram rapport til kommunestyret, det vert rapportert til formannskapet på månadsnivå. Rapporteringa skal ha fokus på å avdekke eventuelle avvik i høve vedtatt årsbudsjett, tiltak for å oppnå balanse, prognose for året, utviklinga innanfor tenesteområda, oppnådde resultat/målsetjingar og status på eventuelle politiske vedtak. Dersom det er endringar i budsjettet, skal dette også leggjast fram til handsaming i tertialrapport.

Den 3.tertialrapport vert lagt fram i desember og er ein forenkla rapport som inneheld eventuelle budsjettjusteringar. Fullstendig rapport for året som inkludera 3.tertial vert lagt fram med årsmelding. Tertialrapportane skal handsamast i kommunestyret.

Rapportering til administrativ leiing

Den einskilde kommunalsjef skal skriftleg rapportera til kommunedirektøren. Månadsrapportering skal innehalda ei oversikt over periodisert budsjett, forbruk i perioden og avvik for kvar einskild eining. Rapporteringa skal ha fokus på å avdekka eventuelle avvik i høve til tildelt ramme i budsjettåret, og tiltak for å oppnå balanse.

Kommunedirektøren legg denne gongen fram ei digital tertialrapportering og vil gjere det for framtida. Denne gjev ei betre oversikt og vil vere lettare å navigere i. Ein rapporterer også attende på vedtak kommunestyret har gjort gjennom verbalvedtak i budsjettmøtet i desember 22 og ein gjev også status pr investeringsprosjekt.

Link til Framsikt: [1.tertial 2023](#)

Vurdering

Kommunedirektøren har flg. framlegg på budsjettjusteringar på drift.

Budsjettjustering vår 2023, vedtatt av kommunestyre 22.06.2023						
Ansvar	teneste	art		Auka utgift	Auka inntekt	Kommentarar
9000	8000	18700			kr 5 400 000,00	Auka skatteinntekt
9000	8400	18000			kr 2 200 000,00	Auka rammetilskott
9000	8700	19050			kr 4 000 000,00	utbytte Eviny
1000	1200	10109		3 000 000		Lønsauke utover budsjett
1000	1200	10202		450 000		Sommerjobb ungdom
1100	1000	11702		100 000		Arbeidsgruppe Energi
4300	3850	13701		200 000		Frie kulturmidlar
2110	2020	12000		400 000		Møbler Kaland skule
3200	2810	14500		2 500 000		Sosiale ytingar
3300	2530	13700		1 000 000		Vikarbyrå
5000	3030	16200		500 000		Mindre inntekter plan
6100	3450	13500		1 000 000		Kjøp av vatn
6200	3320	12300		1 000 000		Kommunale vegar
6400	1200	12400		1 000 000		Kommunale bygg
6500	1200	11200		450 000		Forbruk/utstyr reinhald
				11 600 000	kr 11 600 000,00	

Lønsauke: Løns- og prisveksten er rekna til i RNB til 5,2 %, opp frå 3,7 % i vedteke statsbudsjett som låg til grunn for budsjett 2023. **Samla meirkostnad er på 3 millionar kroner i 2023.**

Lønskostnader sommarjobb for ungdom: Dette prosjektet har nå tilsett 22 ungdomar, i budsjett for 2023 låg denne kostnaden ikkje inne. **Samla meirkostnad på 450 000,- kroner**

Prosjektgruppe energiproduksjon. Midlar til drift/reisekostnader for gruppa låg ikkje inne i budsjettet for 2023. **Samla meirkostnad 100 000,- kroner.**

Frie kulturmidlar: Det syner seg at kommunen mottek mange søknader kor frivillige lag og organisasjonar søker om støtte, dette fortel om at det er eit behov for støtte i frivillig sektor. I budsjettet for 2023 er der berre avsette midlar til ordinære tilskotsordningar. Desse frie midlane ein no tilrår, vert tildelt etter søknader løpande gjennom året. **Samla meirkostnad 200 000,- kroner.**

Innkjøp av møblar om inventar til Kaland skule. Det går nå på slutten av ombyggingane av lokala på Kaland skule, og ein ser at det er behov for å oppgraderte møblar og inventar. Det er i investeringsprosjekt ombygging/oppgradering av våre skular ikkje avsett pengar til møblar og inventar. **Samla meirkostnad basert på innhenta anbod er 400 000,- kroner.**

Auka sosiale ytingar. Det er i dei 2 siste månadane ei kraftig auke i sosiale ytingar, basert på dei tala vi har så langt kan det sjå ut som vi får ein meirkostnad på 2,5 millionar kroner nå i 2023. Det er ein stor risiko knyta til kostnadane med sosial ytingar og kommunaldirektøren har nær kontakt med NAV for å sikre at vi har oppdatert informasjon om utviklinga. **Samla meirkostnad er på 2,5 millionar kroner.**

Bruk av vikarbyrå Nordliheimen. Ein har ein rekkje vakansar når det gjeld sjukepleiarar på heimen,

og for at ein skal kunne ha ei forsvarleg drift i sommar i samband med avviklinga av sommarferie er det gjort avtale med vikarbyrå for innleige. Innleiga skjer gjennom selskap som har avtale i Bergens-avtalen for å sikre at innleiga skjer etter lov om offentlege anskaffingar. **Samla meirskostander. 1,0 millionar kroner.**

Reduserte gebyr inntekter private planar. Det har vore ein markert nedgang i private planar som kommune får gebyr frå, dette gjev nedgang i våre inntekter og det betyr auka behov for budsjettmidlar i 2023. **Samla meirkostnad er på 500 000,- kroner.**

Kjøp av vatn i frå Alver. Kostnad ved drift av anlegga i tilknytning til det kjøpet av vatnet som vi gjer frå Alver Kommune. **Samla meirkostnad på 1 000 000,- kroner.**

Auka Vegvedlikehald/kantslått. Eit av verbalpunkta som låg inne i budsjettet for 2023 er at det skal gjennomførast kantslått langs dei kommunale vegane, i vedtakspunktet var der ikkje satt av pengar til dette. Vinteren 2022/2023 kravde langt meir snørydding enn kva som vart lagt inn som føresetnad for budsjett 2023. **Samla meirkostnad er på 1 000 000,- kroner.**

Byggvedlikehald. Kommunen har eit monaleg stort etterslep på vedlikehald av bygningane våre. Ved å gjere denne auken kan ein byrja med oppgradering av desse. Syner og til at den nå kjem ein plan for vedlikehald av våre bygningar. **Samla meirkostnad er på 1 000 000,- kroner.**

Innkjøp av forbruksmaterieil til reinhald: Innan reinhald er det budsjettert for lågt for innkjøp av papir og anna forbruksmateriel både i forhold til prisutviklinga og forbruk. **Samla meirkostnad på 450 000,- kroner**

Budsjettjustering på investering.

Prosjekt K 90067 Næringstomt på Mongstad. Dette ei tomt kor ein har behov for å gjennomføre eit større sprengingsarbeid for å klargjera tomta for sal. **Framlegget på budsjettjustering er på 2,5 millionar kor ein føreslår at heile investeringa vert finansiert gjennom auka låneopptak.**

Prosjekt K 90073 Oppgradering av Nordliheimen. Det er i utgangspunktet løyvd 2,4 millionar i 2023, det syner seg no at det er behov for å auke ramma med 1,1 million slik at totala ramma for oppgradering blir på 3,5 millionar. **Framlegget er at tilleggsløyvinga på 1,1 million vert finansiert gjennom auka låneopptak**

Prosjekt 90076 Sti til Årsåsfeltet. Dette prosjektet er nå blitt kalkulert til ein samla kostnad på 4,5 millionar kroner kor VLFK støttar prosjektet med 2 millionar og kommunen sin del vert på 2,5 millionar. **Framlegget er at ein løyver 2,5 millionar til dette prosjektet og at 1,5 millionar av dette vert finansiert gjennom auka låneopptak.**

Utover så har ein flg. mindre prosjekt kor der ikkje vart teke opp lån:

- K90077 Energirapport Kommunale Bygg 200 000,- kroner
- K90078 Sjølvgåande grasklyppar 200 000,- kroner

Prosjekt som blir tatt ut

- K 90074 Traktor til idrettsanlegget, det er vurdert til at ein ikkje har behov for ny traktor.

Konklusjon

Det er ein rekkje risikofaktorar som kan påverke økonomien til ein kommune, dei 3 største for vår kommune er kostnader knyta til barnevern, renteutgifter og sosiale ytingar. Alle tre er av ein slik art at vi som kommune har liten påverknad. Det som vi må ha fokus frametter er alle dei andre kostnadene kor vi har høve å påverka. Etter fyrste tertial er der ingen blålys som gjer at vi må varsle kutt eller andre innsparingar, men fokus må vere at alle som jobbar i Austrheim kommune lever etter den regelen om at ein ikkje brukar meir enn kva ein har fått til rådvelde på budsjetta sine. Vidare så bør ein som kommune ha fokus på å sjå om det er høve å jobbe smartare ved bruk av digitale hjelpemidlar som både gir betre tenester og over tid er med å redusere kostnadane.

Kommunedirektøren ber difor om at kommunestyret tek både [tertialrapporten](#) for drift og investering til vitande.

Sakspapir

Saksnr	Utvalg	Type	Dato
065/23	Formannskapet	PS	08.06.2023
051/23	Kommunestyret	PS	22.06.2023

Sakshandsamar	Arkiv	ArkivsakID
Odd Harald Dommersnes	FE-150	23/372

Rullering av investeringsbudsjett

Framlegg til vedtak:

Kommunestyret vedtek at ein overfører budsjettmidlar for prosjekt som ikkje vart slutført i 2022 til 2023 og at desse vert finansiert ved bruk av ubrukte lånemidlar.

Formannskapet - 065/23 - 08.06.2023

FS - behandling:

Økonomi- og personalsjef Odd Harald Dommersnes orienterte.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Formannskapet tilrår:

Kommunestyret vedtek at ein overfører budsjettmidlar for prosjekt som ikkje vart slutført i 2022 til 2023 og at desse vert finansiert ved bruk av ubrukte lånemidlar.

Kommunestyret - 051/23 - 22.06.2023

KS - behandling:

Økonomi- og HR-sjef Odd Harald Dommersnes orienterte om saka, jamfør saksutgreiinga.

Bjørn Inge Håland Dyrkolbotn (Sp) sa at det var vist til tidlegare at ein ikkje bør løyva pengar til prosjekt ein ikkje klarer å få gjennomført. Her har det skjedd likevel. Kommunedirektøren tok

merknaden til vitande

Handsaming i kommunestyret:

Formannskapet si tilråding til vedtak vart samrøystes vedteke.

KS - vedtak:

Kommunestyret vedtek at ein overfører budsjettmidlar for prosjekt som ikkje vart slutført i 2022 til 2023 og at desse vert finansiert ved bruk av ubrukte lånemidlar.

Saksopplysninger:

Bakgrunn

Det er ei rekkje større og mindre investeringsprosjekt som det vart løyvd midlar til i budsjett 2022, fleire av desse prosjekta har ubrukte budsjettmidlar for 2022 og kommunedirektøren ber om at desse midlane vert overført til 2023. Finansiering av desse prosjekta skjer gjennom ordinært låneopptak ved bruk av ubrukte lånemidlar og salsgevinst ved sal av faste eigedommar

	Prosjekt	Teneste	Inntekter	Konto	Budsjett inkl. endr.	Regnskap	Avvik i NOK
ALLE							
	K90028	VVA (TJ.3450)			15 000 000	9 606 398	5 393 602
	K90037	KJØP AV FAST EIGEDOM (TJ.2650)			0	0	0
	K90038	KLOAKKPUMPESTASJON (TJ.3530)			4 100 000	3 887 835	212 165
	K90044	OMSORGSTEKNOLOGI 2019			1 532 000	2 917 361	-1 385 361
	K90049	FAGFORNYING 1 - 4 TRINN (tj.2020)			400 000	402 049	-2 049
	K90051	STEINALDERPlass			300 000	0	300 000
	K90052	DIGITALISERING AUSTRHEIM KOMMUNE			600 000	745 920	-145 920
	K90056	OMSORGSBOLIG RUS/PSYKRIATRI			1 830 000	264 019	1 565 981
	K90061	SKULEBYGG 2021-2024 (Årås/Kaland/K.barnehage)			25 000 000	25 000 000	0
	K90062	KJØP AV TRAKTOR			650 000	1 157 735	-507 735
	K90063	VEGLYS HOPLANDSSJØEN 2022			700 000	0	700 000
	K90064	GANG/SYKKELVEG SENIORSENTER TIL NORDLIHEIMEN 2022(TJ.			500 000	0	500 000
	K90068	PÅKOSTING BRUER, NJØTA OG KROSSØY			700 000	0	700 000
	K90069	ENØK-TILTAK			700 000	89 813	610 187
	K96990	KJØP AV AKSJER			0	8 000 000	-8 000 000
	K97000	INV.TILSKOT AUSTRHEIM KYRKJE (3900)			200 000	200 000	0
	K97500	EIGENKAPITALINNSKOT KLP			800 000	727 114	72 886
	K97600	SAL AV FASTE EIGENDOMMER			-26 300 000	-51 630 219	25 330 219

Omtale av dei ulike prosjekta kor ein overfører midlar frå 2022 til 2023.

Prosjekt K 90051 Steinalderplass. I budsjett 2022 er det avsett 300 000,- kroner til dette prosjektet. Det er har ikkje vært nokon aktivitet i dette prosjektet i 2022 og kommunedirektøren føreslår at desse midlane vert overført til 2023.Det er i budsjett for

2023 gjort vedtak om at desse midlane blir nytta til ulike tiltak knyta til Hoplandskvernane.

Kommunedirektøren ber om at 300 000,- blir overført til 2023

Prosjekt K90028 VVA. I budsjett 2022 var der avsett 15 millioner kroner til opprusting og utbygging av vann og kloakk. Samla vart det i 2022 nytta 9 606 398,- kroner. Ein kjem attende med eiga sak når det gjeld framdrift knyta til utbygging av VVA.

Kommunedirektøren ber om at 5 393 602,- kroner blir overført til 2023

Prosjekt K90038 Kloakkpumpestasjon. I budsjett 2022 var der avsett 4,1 millionar kroner og der vart brukt 3 887 835 kroner. **Kommunedirektøren ber om at 212 165,- kroner blir overført til 2023.**

Prosjekt K 90056 Omsorgsbustader. Prosjektet med omsorgsbustader er nå ikkje starta opp med fysiske arbeid i 2022. I budsjett 2022 vart der avsett 1 830 000,- kroner og av desse er der brukt 264 019. Ein ber om at 1 565 981,- kroner vert overført frå 2022 til 2023.

Kommunedirektøren ber om at 1 565 981,- kroner vert overført frå 2022 til 2023.

Prosjekt K90063 Veglys Hoplandsvegen. I budsjett 2022 vart det løyvd 700 000,- kroner. Ingen av desse midlane vart nytta i 2022.

Kommunedirektøren ber om at 700 000,- kroner blir overført til 2023.

Prosjekt K90064 Gang/sykkelveg Seniorsenter/Nordliheimen. I budsjett 2022 vart det løyvd 500 000,- kroner. Ingen av desse midlane vart nytta i 2022.

Kommunedirektøren ber om at 500 000,- kroner vert overført til 2023.

Prosjekt K 90068. Påkosting bruer Njøta og Krossøy. I budsjett 2022 vart det løyvd 700 000,- kroner. Ingen av desse midlane vart nytta i 2022.

Kommunedirektøren ber om at 700 000,- kroner vert overført til 2023.

Prosjekt K 90069 Enøk tiltak. I budsjett 2022 vart det løyvd 700 000,- kroner. Av desse vart 89 813,- kroner nytta.

Kommunedirektøren ber om at 610 187 kroner vert overført til 2023.

Konklusjon

Kommunedirektøren rår til at det vert føreteke ei overføring av budsjettmidlar knyta til investering frå 2022 til 2023. Finansiering av denne budsjettjusteringa frå 2022 til 2023 skjer gjennom at nyttast ubrukte lånemidlar som står ubrukte i ordinært låneopptak og salsgevinst ved sal av faste eigedommar.

Sakspapir

Saksnr	Utvalg	Type	Dato
060/23	Formannskapet	PS	08.06.2023
052/23	Kommunestyret	PS	22.06.2023

Sakshandsamar	Arkiv	ArkivsakID
Odd Harald Dommersnes	FE-150	23/688

Rullering av langtidsbudsjett 2023-2026 for Austrheim Kommune

Vedlegg

Revidert nasjonalbudsjett 2023

Framlegg til vedtak:

Kommunestyret vedtek den framlagte økonomiplanen slik han ligg føre, kommunedirektøren vil i budsjettframlegg for 2024 komme med endelig framlegg til økonomiplan for perioden 2024-2027 (HØP 24-27).

Formannskapet - 060/23 - 08.06.2023

FS - behandling:

Økonomi- og personalsjef Odd Harald Dommersnes orienterte og sa blant anna at pensjonakostandane går opp, kommunen får auka kostander i samband med generell prisoppgang. I brev frå Statsforvaltaren kan ein lese at vi frå auka frie inntekter og at skjønstilskotet blir det same som tidlegare.

Ordførar Per Lerøy (Ap) sa at vi må jobbe for å få fleire innbyggjarar til kommunen, vi må få opp bustadbygging og få private på banene.

Bjørn Inge Dyrkolbotn (Sp) sa at i Sogn Avis er Austrheim kommune nevnt som ein av fire distriktskommunar med aukande folketal.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Formannskapet tilrår at kommunestyret vedtek den framlagte økonomiplanen slik han ligg føre, kommunedirektøren vil i budsjettframlegg for 2024 komme med endelig framlegg til økonomiplan for perioden 2024-2027 (HØP 24-27).

Kommunestyret - 052/23 - 22.06.2023

KS - behandling:

Økonomi- og HR-sjef Odd Harald Dommersnes orienterte om saka, jamfør saksutgreiinga.

Aslak Andre Bakke (H) sa at dei største uroa framover er sosialutgifter og sjukefråvær, sjukefråvær må det jobbast aktivt med. Spurte også om bemanning i sommar, ordførar Per Lerøy svara at det er størst utfordringar på Nordliheimen. Om sjukefråvær sa ordførar Lerøy at det har vore låg i Austrheim tidlegare samanlikna med andre kommunar, på rundt sju prosent, men Covid og anna har fått det opp

Handsaming i kommunestyret:

Formannskapet si tilråding til vedtak vart samrøystes vedteke

KS - vedtak:

Kommunestyret vedtek den framlagte økonomiplanen slik han ligg føre, kommunedirektøren vil i budsjettframlegg for 2024 komme med endelig framlegg til økonomiplan for perioden 2024-2027 (HØP 24-27).

Saksopplysninger:

Bakgrunn

Kommunar skal utarbeida fireårige økonomiplanar og årlege budsjett. Økonomiplanen og årsbudsjettet skal vedtakast med økonomisk balanse, og byggje på realistiske forventningar om utviklinga i inntekter og utgifter. Kommunelova stiller krav om at den løypande drifta berre skal finansiere av løypande inntekter. Økonomiplanlegging skal bidra til ressursane blir utnytta på best mogeleg måte, og er grunnlaget for at tenestetilbodet blir tilpassa utviklinga i innbyggjarane sine behov og utviklinga i inntektene. God planlegging av økonomi og tenestetilbodet bidreg til å styrke det lokalpolitiske handlingsrommet.

Kommunestyret skal sjølv vedta økonomiplanen og årsbudsjettet, her under prioritere ressursbruken på dei ulike tenesteområda. Kommunestyret har ansvaret for at årsbudsjettet blir halden, og skal iverksette tiltak gjennom året som er naudsynt for å oppretthalda budsjettbalansen. Kommunar som er i økonomisk ubalanse er underlagt ordninga med statleg budsjettkontroll og godkjenning av låneopptak (ROBEK)

Vurdering

Ved rulleringa av økonomiplanen bør dei folkevalde kunne ta stilling til alle endringar i aktivitetsnivået. Ei mogleg tilnærming er at det i ein tidleg fase blir informert om planføresetnadene og korleis dette påverkar det konsekvensjusterte budsjettet og økonomiplanen. Dersom kommunestyret gjev sin tilslutnad til at endringar i aktivitetsnivå som følge av endringar i kommunen si folketalssamansetjing skal dette innarbeidast før ein startar prioriteringsdiskusjonen på politisk nivå, kan administrasjonen ta omsyn til dette og innarbeide det i utkastet sitt.

I første halvdel av oktober blir framlegget til regjeringa sitt statsbudsjett lagt fram. Med dette vil kommunane sine inntekter med svært stor grad av trefftryggleik vere gitt. Det vil også liggje element av bindingar på utgiftene. Administrasjonen vil måtte innarbeide desse konkrete elementa. Dette vil vere grunnlaget for formannskapet si innstilling. På dette tidspunktet skal formannskapet ha føresetnad til å setje opp eit fullstendig budsjett. I tillegg bør det liggje føre utrekningar for inntekter og utgifter ved ulike tiltak som ikkje er ein del av formannskapet si innstilling. Dette for å gje andre politiske aktørar, interessegrupper, administrasjonsutval og innbyggjarar høve å la seg høyre og eventuelt utarbeide alternative framlegg. I tillegg vil ein god oversikt over alternative framlegg kunne handsamast i dei politiske avgjerdsorgana mot slutten av budsjettprosessen utan at det blir for ressurskrevjande. I denne perioden er det dei folkevalde som bør vere framtradande på arenaen.

Det må etablerast ei felles situasjonsforståing av det økonomiske utgangspunktet i Austrheim før tenestemråde kan prioriterast opp eller ned. Det er difor i framlegget til rullering ikkje blitt gjort større endringar i høve til budsjettplanen for 2023-2027. Dei vala ein gjer må byggje på analysar av no situasjonen, langsiktige konsekvensar av endringar i folketalet og behov for tenester mv., og langsiktige konsekvensar av lokalpolitiske mål for utviklinga av kommunen.

Økonomiplanlegginga bidreg til at prioriteringsdiskusjonen kan ha eit realistisk grunnlag som reflekterer kva det faktisk er mogleg å oppnå i kommunen, samstundes som kommunen sikrar seg økonomisk balanse og eit godt grunnlag for å yta eit godt tenestetilbod over tid. Det er tidkrevjande å skape ei fellessituasjonsforståing, og det er difor viktig å skape ei slik forståing tidleg i økonomiplanprosessen og budsjettarbeidet. For å bidra til ei felles forståing av Austrheim kommunen sin økonomiske situasjon er der ei rad ulike spørsmål som ein bør stille ved rullering av økonomiplanen

- **Er Austrheim kommunen sin økonomi i balanse?**
- **Kva for statlege føringar kan vi forventa?**
- **Barnevernreformata trådde i kraft 1. januar 2022. Reforma gir kommunane auka fagleg og**

økonomisk ansvar for barnevernet. Kva risikoar ligg her.

- **Skjønstilskot, vil vi behalda dette.**
- **Ukraina, vil vi får fleire flyktningar og kva gir det oss av utfordringar som kommune**
- **Korleis vil utviklinga i den generelle prisauken påverka kommune sin økonomi**
- **Kva delar av Austrheim kommunen sitt tenestetilbod kan forvente auka etterspurnad**
- **Kva delar av kommunen sitt tenestetilbod kan forvente redusert etterspurnad?**
- **På kva områder vil kostnadene auke i framtida dersom det ikkje vert teken grep i dag?**
- **Kor ligger usikkerheitene/risikoane, og korleis handterer kommunen dei?**
- **Korleis handtere evt. auka finanskostnader/reducere investeringane framover.**

Dette er alle spørsmål som vi bør ta inn i det arbeidet som kommunedirektøren nå skal starte opp med i høve til budsjett 2024 og langtidsbudsjettet for 2024-2027. Alle tal er i 2023 kroner og vil bli endra når statsbudsjettet ligg føre. Ein skal ikkje gløyme at dette gjeld både inntekt og utgifter. Ser ein perioden samla så er det ikkje særleg stor auke i inntektssida, på same måte som er det her i rulleringa er lagt opp til at ein har drift på dagens nivå.

Ein ser og at vi Ikkje når måltala når det gjeld netto driftsresultat. Ser ein på kostnadssida så er det høge tal når det gjeld finansutgifter grunna auka rente og låneopptak. Ein kjem ikkje utanom at det å gjennomføre store investeringsprosjekt har ein kostnad.

Resultatoversikt drift i økonomiplanen 2024-2027

Vis alle funksjonar ▼

	Budsjett 2023	2024	2025	2026	2027
Sum inntekter	-301 827	-302 167	-301 167	-302 667	-302 667
Sum utgifter	302 728	299 035	298 201	298 201	298 201
Brutto resultat	901	-3 132	-2 966	-4 466	-4 466
Netto finansutgifter og inntekter	12 368	13 572	13 196	13 372	13 372
Motpost avskrivinger	-15 900	-15 900	-15 900	-15 900	-15 900
Netto resultat	-2 631	-5 460	-5 670	-6 994	-6 994
Sum disponeringar eller dekning av netto driftsresultat	2 631	4 238	2 414	2 738	2 738
Årsresultat	0	-1 222	-3 256	-4 256	-4 256
Netto resultat i prosent av sum inntekter	0,9 %	1,8 %	1,9 %	2,3 %	2,3 %

Konklusjon.

Som ein ser i rulleringa av langtidsbudsjettet så er det ikkje forventa monaleg auka i inntektene våre. Dette gjer at fokus dei neste 4 åra vil vera å redusere kostnadene. Kommunedirektøren meiner at ein i samband med budsjett 2024 og i planperioden bør setja konkrete mål for god økonomistyring i Austrheim kommune. Døme på slike mål kan vera:

Kommunen si langsiktige planlegging skal ha mål om ei berekraftig økonomisk utvikling som tek i vare notida sitt behov utan å stå i vegen for at framtidige generasjonar klarar å ta i vare sine behov (generasjonsprinsippet).

Kommunen skal til ei kvar tid ha eit disposisjonsfond på minst 28 mill. kr som buffer ved eit eventuelt driftsunderskott.

Kommunen skal ha ei lånegjeld som ikkje overstig gjennomsnittet for norske kommunar og samstundes tek i vare generasjonsprinsippet.

Kommunedirektøren tilrår at kommunestyret vedtek den framlagte økonomiplanen slik han ligg føre, men vil i budsjettframlegg for 2024 kome med endeleg framlegg til økonomiplan for perioden 2024-2027. Nest steg i budsjettarbeidet er at dei ulike einingane startar opp sitt detaljbudsjettarbeid og utgangspunktet for dette arbeidet er det framlegget til totalramme som ligg inne i denne rulleringa. Ved framlegg av statsbudsjett vil tala blir løfta til 2024 og evt. øyremerka midlar bli fordelt.

Sakspapir

Saksnr	Utvalg	Type	Dato
001/23	Formannskapet	OS	08.06.2023
001/23	Kommunestyret	OS	22.06.2023

Sakshandsamar	Arkiv	ArkivsakID
Trine Merete Jansen	FA-F47, TI-&58	23/650

Rapport frå tilsyn med barnevernstenesta si oppfølging av barn i fosterheim

Vedlegg

Rapport etter tilsyn - Barnevern - tilsyn - LOT - barnevernets oppfølging av barn i fosterhjem - Alver

Framlegg til vedtak:

Formannskapet - 001/23 - 08.06.2023

FS - behandling:

Kommunalsjef Trine Merete Jansen orienterte. Det er ikkje avdekka lovbrøt etter tilsynet. Ho la til at vi janmleg får rapportar og det er ingen avvik i dei.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Orienteringa vert teke til vitande.

Kommunestyret - 001/23 - 22.06.2023

KS - behandling:

Ordfører Per Lerøy (Ap) refererte framlegget til vedtak.

Handsaming i kommunestyret:

Formannskapet si tilråding til vedtak vart samrøystes vedteke

KS - vedtak:

Orienteringa vart teke til vitande.

Saksopplysninger:**Saksopplysningar:**

Statsforvaltaren har gjennomført tilsyn med barnevernstenesta i Alver kommune, der dei undersøkte om barnevernstenesta sørger for at oppfølging av barn i fosterheim blir utført i samsvar med aktuelle lovkrav, slik at barn får trygge oppvekstforhold, og nødvendig hjelp og oppfølging.

Konklusjon etter tilsynet:

Det er ikkje avdekka lovbrøt under tilsynet og tilsynet er etter dette avslutta.

Rapporten blir sendt til Statens helsetilsyn og blir publisert på deira nettside: www.helsetilsynet.no

Sakspapir

Saksnr	Utvalg	Type	Dato
062/23	Formannskapet	PS	08.06.2023
053/23	Kommunestyret	PS	22.06.2023

Sakshandsamar	Arkiv	ArkivsakID
Ketil Tjore	FA-X03	23/659

TV-aksjonen 2023 - oppretting av kommunekomiteé

Vedlegg

TV-aksjonen 2023, Redd Barna

Oppmoding til Austrheim om kommunekomiteé for TV-aksjonen

Framlegg til vedtak:

Kommunestyret i Austrheim vel følgjande kommunekomiteé for TV-aksjonen 2023:

- Leiar: Ordførar Per Lerøy
- Sekretær: Rigmor Ludvigsen
- Ein tilsett i administrasjonen med lokalkunnskap i Austrheim
- Eit medlem utpeikt av Lindåsneset Sanitetsforeining
- Eit medlem utpeikt av Årås Sanitetsforeining
- Eit medlem frå Austrheim idrettslag
- Eit medlem frå Ungdomsrådet

Rådmannen får mynde til å erstatta eller leggja til medlemmer i komiteen for TV-aksjonen.

Austrheim kommune løyver 30.000 kroner til TV-aksjonen 2023.

Kostnaden vert dekkja frå post **1490380001902**

Formannskapet - 062/23 - 08.06.2023

FS - behandling:

Ordførar Per Lerøy refererte framlegget til vedtak.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Formannskapet tilrår:

Kommunestyret i Austrheim vel følgjande kommunekomiteé for TV-aksjonen 2023:

- Leiar: Ordførar Per Lerøy
- Sekretær: Rigmor Ludvigsen
- Ein tilsett i administrasjonen med lokalkunnskap i Austrheim
- Eit medlem utpeikt av Lindåsneset Sanitetsforeining
- Eit medlem utpeikt av Årås Sanitetsforeining
- Eit medlem frå Austrheim idrettslag
- Eit medlem frå Ungdomsrådet

Kommunedirektøren får mynde til å erstatta eller leggja til medlemmer i komiteen for TV-aksjonen.

Austrheim kommune løyver 30.000 kroner til TV-aksjonen 2023.

Kostnaden vert dekkja frå post **1490380001902**

Kommunestyret - 053/23 - 22.06.2023

KS - behandling:

Ordførar Per Lerøy (Ap) refererte framlegget til vedtak.

Handsaming i kommunestyret:

Formannskapet si tilråding til vedtak vart samrøystes vedteke.

KS - vedtak:

Kommunestyret i Austrheim vel følgjande kommunekomiteé for TV-aksjonen 2023:

- Leiar: Ordførar Per Lerøy
- Sekretær: Rigmor Ludvigsen
- Ein tilsett i administrasjonen med lokalkunnskap i Austrheim
- Eit medlem utpeikt av Lindåsneset Sanitetsforeining
- Eit medlem utpeikt av Årås Sanitetsforeining
- Eit medlem frå Austrheim idrettslag
- Eit medlem frå Ungdomsrådet

Rådmannen får mynde til å erstatta eller leggja til medlemmer i komiteen for TV-aksjonen.

Austrheim kommune løyver 30.000 kroner til TV-aksjonen 2023.

Kostnaden vert dekkja frå post **1490380001902**

Saksopplysninger:

Bakgrunn

Fylkeskoordinator i Vestland for TV-aksjonen 2023 har oppmoda kommunen ved ordførar til å oppretta kommunekomiteé for årets aksjon. Inntektene skal dette året gå til Redd Barna sitt arbeid for å hjelpe barn råka av krig og konflikt.

I år er TV-aksjonen søndag 22. oktober.

Når kommunekomiteen er utnemnt, skal medlemmene registrera seg på eit eige elektroniske registreringsskjema. Skjemaet ligg på blimed.no/komite

Vurdering

Samansetnaden av kommunekomiteen er om lag slik den har vore dei siste åra.

Rådmannen får mynde til å erstatta eller leggja til medlemmer i komiteen for TV-aksjonen, slik at det kan gjerast justeringar utan ny handsaming politisk.

Gåvesummen var 25.000 kroner ein del år, men vart auka til 30.000 kroner frå 2021.

Konklusjon

Kommunestyret i Austrheim vel følgjande kommunekomiteé for TV-aksjonen 2023:

- Leiar: Ordførar Per Lerøy
- Sekretær: Rigmor Ludvigsen
- Ein tilsett i administrasjonen med lokalkunnskap i Austrheim
- Eit medlem utpeikt av Lindåsneset Sanitetsforeining
- Eit medlem utpeikt av Årås Sanitetsforeining
- Eit medlem frå Austrheim idrettslag
- Eit medlem frå Ungdomsrådet

Rådmannen får mynde til å erstatta eller leggja til medlemmer i komiteen for TV-aksjonen.

Austrheim kommune løyver 30.000 kroner til TV-aksjonen 2023.

Kostnaden vert dekkja frå post **1490380001902**

Sakspapir

Saksnr	Utvalg	Type	Dato
045/23	Formannskapet	PS	02.05.2023
063/23	Formannskapet	PS	08.06.2023
054/23	Kommunestyret	PS	22.06.2023

Sakshandsamar	Arkiv	ArkivsakID
Ketil Tjore	FE-082, HistSak-19/621	23/473

Oppdatering av forskrift om folkevalde sine arbeidsvilkår - Austrheim kommune

Vedlegg

Forskrift - Folkevalde sine arbeidsvilkår - Austrheim kommune 2020

Forskrift om folkevalde sine arbeidsvilkår - Austrheim kommune 2023

Framlegg til vedtak:

Formannskapet legg framlegget ut på høyring til partigruppene. Høyringsfristen vert sett til 4 veker, slik at denne saka kan komma tilbake til formannskapet 8. juni, og til vedtak i kommunestyret 22. juni.

Kommunestyret vedtar reglementet slik det ligg føre.

Formannskapet - 045/23 - 02.05.2023

FS - behandling:

Sakshandsamar Ketil Tjore orienterte om saka, jamfør saksutgreiinga.

Handsaming i formannskapet:

Kommunedirektøren sitt framlegg vart samrøystes vedteke, med den tilbakemeldinga frå formannskapet at den faste godtgjeringa til medlemmer i formannskapet skal dekkja møter i formannskapet og kommunestyret. Dersom medlemmer i formannskapet møter i andre råd og utval, så skal det godtgjerast på lik linje med andre medlemmer i desse råda og utvala.

FS - vedtak:

Formannskapet legg framlegget ut på høyring til partigruppene. Høyringsfristen vert sett til 4 veker, slik at denne saka kan komma tilbake til formannskapet 8. juni, og til vedtak i kommunestyret 22. juni.

Formannskapet gjev den tilbakemeldinga at den faste godtgjeringa til medlemmer i formannskapet

skal dekke møter i formannskapet og kommunestyret. Dersom medlemmer i formannskapet møter i andre råd og utval, så skal det godtgjerast på lik linje med andre medlemmer i desse råda og utvala.

Formannskapet - 063/23 - 08.06.2023

FS - behandling:

Kommunedirektør Bjørnar Fjellhaug la fram saka, jamfør saksutgreiinga.

Handsaming i formannskapet:

Kommunedirektøren sitt framlegg vart samrøystes vedteke

FS - vedtak:

Framlegget har vore på høyring til partigruppene, utan at det kom merknader. Innspelet frå formannskapet 02.05.23 er lagt inn i reglementet. Formannskapet tilrår at kommunestyret vedtar reglementet slik det ligg føre.

Kommunestyret - 054/23 - 22.06.2023

KS - behandling:

Ordførar Per Lerøy (Ap) refererte framlegget til vedtak.

Handsaming i kommunestyret:

Formannskapet si tilråding til vedtak vart samrøystes vedteke.

KS - vedtak:

Kommunestyret vedtar reglementet slik det ligg føre.

Saksopplysninger:

Bakgrunn

Gruppeleiarane gjorde i 2019 eit arbeid med å oppdatera satsane for godtgjering til folkevalde. Her var det lagt inn ein auke år for år fram til og med 2023.

I samband med at gruppeleiarane i januar/februar 2023 jobba med framlegg til utvalsmodellen, tok administrasjonen opp at det er behov for å oppdatera forskrifta for godtgjering til folkevalde. Både for å sikra at justeringar ikkje stoppar opp etter 2023, men også for å retta nokre uklare punkt der administrasjonen ser at dagens forskrift ikkje er presis nok.

I arbeidet med dette framlegget til forskrift har me sett til nabokommunen Alver, og erstatta faste satsar med prosentsats av ordførar si godtgjering. Sidan ordførar si godtgjering blir justert årleg etter endringa for stortingsrepresentantar, får møtesatsane også årvis justering. Forskriftsendringa blir lagt fram no i vår, slik at dagens kommunestyre kan vedta dei satsane som skal gjelda for den neste flokken med folkevalde.

Satsane fastsette i 2019:

Gruppe:	2019:	2020:	2021:	2022:	2023:
Gruppe 1:	500	600	800	1000	1200
Gruppe 2:	400	500	600	700	800
Gruppe 3:	250	300	350	450	500
Gruppe 4:	150	200	250	300	300

Vurdering

Endringane skal sikra at satsane jamt over har ei utvikling på linje med den generelle prisutviklinga i samfunnet elles. Satsane i Austrheim vil ligga under Alver med dette oppsettet.

Endringane skal vidare gjera det lettare å definera om ein er innanfor krava til godtgjering for tapt arbeidsforteneste og godtgjering for fridag, og slik gjera det både enklare og rettvist for representantane.

Medlem av kontrollutvalet er likestilt med medlem av kommunestyret.

Økonomi

Det er ikkje lagt inn noko særleg auke i godtgjeringa. Men sidan det er lagt opp til årvis justering i samband med justeringa av godtgjeringa til ordførar vil utgiftene auka årleg, sannsynlegvis tilsvarande den vanlege prisauken.

Med den prosenten som er sett opp, vil eit medlem i kommunestyret i 2024 få 1400 kroner for eitt møte, opp frå 1200 i 2023.

Godtgjeringa til røystestyra vil auka noko. I dag er dette 1.200 kroner for valdagen, etter den nye forskrifta ville det vore om lag 2.000 kroner. Me ser at mange andre kommunar tar utgangspunkt i løn til fagarbeidar, eller fagarbeidar med 10 års ansiennitet. Med ei vakt på 10 timar vil det tilsvara høvesvis 1.995 kroner eller 2.299 kroner, utan noko overtidstillegg. Enkelte kommunar ligg også ein god del over dette, for å klara å rekruttera medarbeidarar til røystestyra.

Konklusjon

Om formannskapet legg framlegget ut på høyring til partigruppene i mai-møtet, er det mogleg å få saka tilbake til møtet i formannskapet 8. juni, og så få saka vedteken i kommunestyret 22. juni. Eventuelt kan kommunestyret (dagens representantar) gjera vedtaket i møtet 14. september.

Sakspapir

Saksnr	Utvalg	Type	Dato
055/23	Kommunestyret	PS	22.06.2023

Sakshandsamar	Arkiv	ArkivsakID
Asbjørn Nagell Toft	FE-140, PlanID-2003002	23/304

Godkjenning av mindre vesentleg reguleringsendring av Detaljreguleringsplan for næringsområde NO4 Mongstadkrysset, planid. 2003002- Austrheim kommune

Vedlegg

Vestland Fylkeskommune - fråsegn til mindre endring av detaljreguleringsplan - NO4

Mongstadkrysset - planID 2003002 - Austrheim kommune

Detaljreguleringsplan for næringsområde NO4 Mongstadkrysset, planid. 2003002 -Godkjent den 18.08.2004

Plankart

Reguleringsføresegner

Søknad om mindre vesentleg reguleringsendring av Detaljreguleringsplan for næringsområde NO4 Mongstadkrysset, planid. 2003002

Framlegg til vedtak:

Austrheim kommune godkjenner ei mindre vesentleg reguleringsendring av Detaljreguleringsplan for næringsområde NO4 Mongstadkrysset, planid. 2003002.

Ny føresegn under **§ 3 Område for forretning, kontor og industri FK11 og FK12** vert:

BYA = 50%.

Høgste mønehøgde er satt til kote 59,5 moh.

Byggja kan ikkje vera høgare enn 15 meter og ha maksimum 3 etg.

Byggjegrænse mellom område FK11 og FK12 gjeld ikkje om dette er ein eigedom

Det skal vera gode arkitektoniske kvalitetar på bygga.

Ny føresegn under **§ 4 Offentleg veg** siste setning vert:

Nytt vegnett skal byggjast som samleveg S2 i næringsområde etter Statens vegvesen si handbok N100 med samla kjørebanebreidde på 5,4 meter.

Grunngjevinga er gjeve i saksutgreiinga.

Vedtaket er heimla i plan- og bygningslova sin § 12-14.

Kommunestyret - 055/23 - 22.06.2023

KS - behandling:

Avdelingsleiar plan Asbjørn Toft orienterte om saka, jamfør saksutgreiinga.

Handsaming i kommunestyret:

Kommunedirektøren sitt framlegg vart samrøystes vedteke.

KS - vedtak:

Austrheim kommune godkjenner ei mindre vesentleg reguleringsendring av Detaljreguleringsplan for næringsområde NO4 Mongstadkrysset, planid. 2003002.

Ny føresegn under **§ 3 Område for forretning, kontor og industri FK11 og FK12** vert:

BYA = 50%.

Høgste mønehøgde er satt til kote 59,5 moh.

Byggja kan ikkje vera høgare enn 15 meter og ha maksimum 3 etg.

Byggjegrænse mellom område FK11 og FK12 gjeld ikkje om dette er ein eigedom

Det skal vera gode arkitektoniske kvalitetar på bygga.

Ny føresegn under **§ 4 Offentleg veg** siste setning vert:

Nytt vegnett skal byggjast som samleveg S2 i næringsområde etter Statens vegvesen si handbok N100 med samla kjørebanebreidde på 5,4 meter.

Grunngjevinga er gjeve i saksutgreiinga.

Vedtaket er heimla i plan- og bygningslova sin § 12-14.

Saksopplysninger:

Formannskapet gjorde følgjande vedtak den 23.03.2023 i sak 31/23::

*Austrheim kommune sender ei mindre vesentleg reguleringsendring av Detaljreguleringsplan for næringsområde NO4 Mongstadkrysset, planid. 2003002 ut på høyring. Ny føresegn under **§ 3 Område for forretning, kontor og industri FK11 og FK12** vert:*

BYA = 50%.

Høgste mønehøgde er satt til kote 59,5 moh.

Byggja kan ikkje vera høgare enn 15 meter og ha maksimum 3 etg.

Byggjegrænse mellom område FK11 og FK12 gjeld ikkje om dette er ein eigedom

Det skal vera gode arkitektoniske kvalitetar på bygga.

Grunngjevinga er gjeve i saksutgreiinga. Vedtaket er heimla i plan- og bygningslova si § 12-14.


Bakgrunn for saka er at den 06.03.2023 kom det inn søknad om mindre vesentleg reguleringsendring frå Austrheim kommune ved prosjektleiar Rolf Henning Myrmel på **Detaljreguleringsplan for næringsområde NO4 Mongstadkrysset, planid. 2003002**. Søknad gjeld næringsområda FK11 og FK12 (regulert til forretning/kontor/industri). I søknaden stod det følgjande:

I samband med opparbeiding av industritomt FK11 og FK12 ber ein om ein mindre vesentleg reguleringsendring:

FK11 og FK12 vert no samanslått til ein eigedom og byggegrense mellom desse bør slettast.


Krav til BYA bør og aukast frå 40% til 50%.

Høgste mønehøgde bør endrast til 59,5 moh.



Oversiktskart over planområdet

Den opphævelege reguleringsplanen for dette området vart vedteken i Austrheim kommunestyre den 18.08.2004. Denne eldre reguleringsplanen har på ein del område gått ut på dato. Det er endringar av grunneigartilhøve i området, men tidlegare planar om bruk av området er og vorte endra. Korleis ein byggjer ut slike næringsområde i dag er og endra på 20 år. Forslagstillar og grunneigar Austrheim kommune meiner difor at det er naudsynt å få på plass ei mindre planendring i samsvar med plan- og bygningslova § 12-14 her. Dette gjeld berre område som på plankartet er regulert inn som næringsområde. Friområde og andre arealformål vert ikkje berørt, heller ikkje byggegrenser mot veg. Det er bygd gang- og sykkelveg langs Fv. 57 her. Endringane til planen vil ikkje koma på plankartet, berre på nokre føresegner til reguleringsplanen. Me vil understreka at den offentlege køyrevegen, undergang og gang- og sykkelveg i området er bygd i samsvar med plan.



Næringsområde FK11 OG FK12 er vist på plankartet over

Det er desse føresegna i dag under § 3 som skal erstattast:

Høgste mønehøgde er satt til kote 53
 BYA = 40 %

I tillegg vert § 4 endra til

Plan- og bygningslova styrer endringar av reguleringsplanar på ein klar måte slik:

§ 12-14. Endring og oppheving av reguleringsplan

For utfylling, endring og oppheving av reguleringsplan gjelder samme bestemmelser som for utarbeiding av ny plan. Kommunestyret kan delegere myndigheten til å treffe vedtak om mindre endringer i reguleringsplan eller til å vedta utfyllinger innenfor hovedtrekkene i reguleringsplanen. Små endringer kan delegeres til administrasjonen. Før det treffes slikt vedtak, skal saken forelegges berørte myndigheter, og eierne og festerne av eiendommer som direkte berøres av vedtaket, skal gis anledning til å uttale seg. Jf. for øvrig § 1-9.

Omsøkte planendring i føresegn vert:

BYA = 50%.

Høgste mønehøgde er satt til kote 59,5 moh.

Byggja kan ikkje vera høgare enn 15 meter og ha maksimum 3 etg.

Byggjegrænse mellom område FK11 og FK12 gjeld ikkje om dette er ein eigedom

Det skal vera gode arkitektoniske kvalitetar på bygga.

I reguleringsplan godkjent i 2004 er dette som står under gjeldane:

1. I dag er det byggjegrænse på plankartet mellom område FK11 og FK12 fordi det var to ulike grunneigarar/eigedomar her då reguleringsplanen vart godkjent.

2. BYA = 40% i føresegn til reguleringsplan

3. Høgste mønehøgde er satt til kote 53 moh i føresegn til reguleringsplan.

Denne mindre vesentleg reguleringsendring har vore på høyring til dei som er direkte berørt av omsøkt tiltak. I dette tilfelle er det tre naboar/grunneigar i området som har fått saka på høyring. Det er Equinor ASA, Austrheim kommune (vegeigar kommuneveg) og Vestland fylkeskommune (vegeigar fylkesveg. Saka har elles vorte annonsert i lokalavis og på vår heimeside. Merknad måtte sendast skriftleg innan 13. juni 2023. Det er kom merknad inn frå Vestland fylkeskommune (vedlagt):

1. Vestland fylkeskommune sin merknad er datert den 08.06.2023. Dei skriv m.a. følgjande:

For å sikre at dagens krav vert lagt til grunn for tiltak, jf. pbl § 12-4, må det sikrast meir areal langs fylkesvegen for at det skal vere mogeleg å bygge gang- og sykkelveg, slik det er intensjon om i planen. Derfor må byggegrensa langs fylkesveg endrast, og det må leggjast inn annan veggrunn langs gang- og sykkelvegen slik at det er mogeleg å bygge denne. Det medfører noko redusert areal avsett til forretning/kontor/industri FK12.

Kommentar til føresegnene: Til § 4: Det er vist til Statens vegvesen si handbok 017 i føresegnene. Denne vart for ein del år tilbake erstatta av handbok N100. Det bør derfor endrast i føresegnene slik at dei viser til riktig handbok. Der det skal byggast gang- og sykkelveg langs fylkesveg, skal teikningar godkjennast av fylkeskommunen, og det må ligge føre ein gjennomføringsavtale med fylkeskommunen før arbeidet kan ta til. - Det vil vere nyttig å ha dette inn i føresegnene. Det står om offentlege gang- og sykkelvegar at dei skal tilpassast eksisterande terreng og ha samla dekkbreidde på 3 m. Av offentlig vegnett så skal fylkesveg, inkludert fortau eller gang- og sykkelveg, byggast etter handbok N100. Denne føresegna må derfor endrast dersom den skal vere «i nødvendig grad oppdatert».

Avdeling for infrastruktur og veg rår til at plankart og føresegner blir oppdatert i samsvar med våre merknader, når planen likevel skal reviderast.

Austrheim kommune sin kommentar er: Austrheim kommune vil minna om at dette er ein mindre vesentleg planendring. Den omsøkt mindre planendring er i samsvar med plan- og bygningslova § 12-14 og vil løysa utfordringar knytt til bruken av dette næringsområdet. Det er alt bygd ein tre meter brei gang- og sykkelveg langs dette næringsområdet på nordaustsida av fylkesveg 57. Det er gang- og sykkelveg på andre sida av Fv. 57 og.

Austrheim kommune vil og understreka at eigartilhøve er på plass langs denne gang- og sykkelvegen, her er det Vestland fylkeskommune som er grunneigar (sjå gul eigedomsgrense i kart). Den bygde gang- og sykkelvegen er tre meter brei, dette vert vist under slik:



Gang- og sykkelvegen kom her på 1980-talet. Undergangen kom i 2007

Fotokart under viser den bygde gang- og sykkelvegen





Kart over viser den tre meter breie gang- og sykkelvegen langs fylkesveg 57

Austrheim kommune tek merknaden til Vestland fylkeskommune til orientering, og føreseigner vert oppdatert i samsvar med deira merknad, når det gjeld handbok N100. Dette vert endra i føresegnene slik at dei viser til riktig handbok. I dag står det slik.

§ 4 Offentlege trafikkområde (PBL §25, 1.ledd nr.6)

Offentleg veg

Langs veg4 skal utbyggjar av KI2 og FK11 etablere gang- og sykkelveg eller fortau. inne på utbyggingsområda. Utforminga skal visast på planteikning som vert lagd ved byggesøknaden. Nytt vegnett skal byggjast som samleveg S2 i næringsområde etter statens vegvesen si handbok 017 med samla kjørebanebreidde på 5,5 meter.

Siste setning under **§ 4 Offentleg veg** vert då: *Nytt vegnett skal byggjast som samleveg S2 i næringsområde etter Statens vegvesen si handbok N100 med samla kjørebanebreidde på 5,4 meter.*

Vurdering

Vurdering etter naturmangfaldslova:

Kommunedirektøren har vurdert det slik at den mindre planendring ikkje vil koma i konflikt med registrerte lokalitetar for fuglar eller andre dyr oppført på Norsk raudliste, eller viktige områder for biologisk mangfald og utvalgte naturtypar. Omsøkt tiltak råkar ikkje naturmangfaldet på nokon måte. Området er i dag under planering i samarbeid med Statnett, plantefeltet med sitkagran i området er

nett fjerna, og om området ikkje vert bygd ut vil det koma opp mange tusen nye sitkaplantar opp her. Kommunedirektøren vil peike på at det er ikkje kome inn noko nye opplysingar i høyringsperioden på dette temaet.

Vurdering etter Plan- og bygningslova:

Kommunedirektøren meiner at den mindre planendringa er i samsvar med plan- og bygningslova § 12-14 og at den kan løysa utfordringar knytt til bruken av dette næringsområdet på ein god måte. Det er viktig å få på plass fornuftige byggjehøgde og utnyttingsgrad som samsvarar med andre næringbygg omkring. Denne endringa vil avvika i mindre grad frå vedteken reguleringsplan som er om lag 20 år no. Kommunedirektøren er positiv at ein får ei utvikling her med bygg med gode arkitektoniske kvalitetar, men som og er funksjonelle og praktiske. Sidan dette er eit godt synleg næringsområde frå Fv 57 må utbygginga av næringsområdet byggja opp under kvalitetar som gjer folk stolte av både næringslivet, kommunen og regionen sin. Det er difor naturleg å ha med i føresegna at nye bygg skal ha gode arkitektoniske kvalitetar, det betyr bruk av naturstein, glas, trefasadar o.l. Parkeringdekning vert regulert i kommuneplanen sin arealdel sine føresegner på ein klar måte, det gjeld og krav til vassboren varme for alle bygg over 500 m2 BYA.

Kommunedirektøren vil opplyse om at berørte grunneigarar/partar i området har vorte varsla på vanleg måte. Merknadar er kommentert av Austrheim kommune, og naudsynte endringar i føresegn er teke inn i den endelege planendringa. Det er ingen statlege eller offentlege instansar sine interesser som vart råka av denne mindre planendringa. Kommunedirektøren sin klare vurdering er at denne planendringa heller ikkje kjem i strid med nasjonale eller viktige regionale interesser. Når ein skal endre ein plan med enkel prosess skal endringane i liten grad påverka gjennomføringa av planen elles, dei kan ikkje gå utover hovuddrammene i planen, og skal heller ikkje påverke omsyn til viktige natur og friluftsområde jf. pbl. § 12-14 andre ledd. Kommunedirektøren meiner at etter ei samla vurdering at desse krava er oppfylt her. I denne vurderinga er det teke omsyn til kva tiltak det gjeld og kva interesser som kunne vorte råka jf. Prop. 149 L (2015-2016). Miljø- og landskapsinteresser på denne tomte vert ikkje råka med denne planendringa.

Kommunedirektøren meiner at kommunen gjennom denne mindre planendringa løysar ulike arealutfordringar i næringsområdet på ein formålstenleg måte. Den mindre planendringa vil styra utviklinga og bruken av dette næringsområdet framover på ein god måte. Justering av føresegnene i planen her kan difor handsamast som ein mindre vesentleg planendring. Det er ikkje naudsynt å endra plankartet her, gang- og sykkelveg og undergang er alt bygd ut og er velfungerande. Køyrevegen har gul stripe her.

Føresegn til reguleringsplan som vert endra går på byggjehøgder, utnyttingsgrad (BYA=50%) og arkitektoniske kvalitetar. Det skal vera gode arkitektoniske kvalitetar på byggja her, det la ein og vekt på i saksutgreiinga i 2004 (vedlagt). Handbok N100 er og teke inn no i føresegna. Det at byggja kan vera 15 meter høge gjer at til dømes ventilasjon/solcelle-innstallasjonar på taket kan monterast utan at det skapar problem med høgdeavgrensinga her. Byggja kan ikkje vera høgare enn 15 meter og ha maksimum 3 etg. Kommunedirektøren vil opplysa om at kommunehuset er nesten på 15 meter på det høgaste, det er der ventilasjonshuset står. Endringane som nemd over er teke med og inn i føresegn under **§ 3 (Område for forretning, kontor og industri)**. Det som står i føresegn § 3 heilt

nede i teksten i gjeldane plan frå 2004 går såleis ut. Det er:

Høgste mønehøgde er satt til kote 53
BYA = 40 %

Kommunedirektøren rår til at Austrheim kommune godkjenner ein mindre planendring til Detaljreguleringsplan for næringsområde NO4 Mongstadkrysset, planid. 2003002 med desse endringane:

Ny føresegn under **§ 3 Område for forretning, kontor og industri** som erstattar det som står her i dag vert følgjande:

BYA = 50%.

Høgste mønehøgde er satt til kote 59,5 moh.

Byggja kan ikkje vera høgare enn 15 meter og ha maksimum 3 etg.

Byggjegrænse mellom område FK11 og FK12 gjeld ikkje om dette er ein eigedom

Det skal vera gode arkitektoniske kvalitetar på bygga.

Ny føresegn under **§ 4 Offentleg veg** som erstattar det som står her i dag vert følgjande:

Offentleg veg: *Nytt vegnett skal byggjast som samleveg S2 i næringsområde etter Statens vegvesen si handbok N100 med samla kjørebanebreidde på 5,4 meter.*

Konklusjon

Austrheim kommune godkjenner ei mindre vesentleg reguleringsendring av **Detaljreguleringsplan for næringsområde NO4 Mongstadkrysset, planid. 2003002.**

Sakspapir

Saksnr	Utvalg	Type	Dato
056/23	Kommunestyret	PS	22.06.2023

Sakshandsamar	Arkiv	ArkivsakID
Ketil Tjore	FE-033	23/759

Mandat og budsjett for arbeidsgruppa og prosjektgruppa for energiproduksjon og energisparing i Austrheim kommune

Framlegg til vedtak:

Arbeidsgruppa og prosjektgruppa skal gjennomføra arbeidet sitt i løpet av 2023 og i tråd med vedtak i kommunestyret den 13.04.2023. Intensjonen i ENØK-planen til Austrheim kommune som vart godkjent den 12.04.2018 skal følgjast. Klimaplanen som vart godkjent i 2022 er førande for arbeidet til begge arbeidsgruppene.

Arbeidsgruppa skal kartleggja korleis Austrheim kommune kan redusera energiforbruket ved alle kommunale bygg, samt korleis kommunen sjølv kan produsera energi både til eige forbruk og til sal. Energimerking og kartlegging av seks bygningar skal gjennomførast i 2023.

Arbeidet til arbeidsgruppa vert finansiert frå vedtekne budsjett.

Prosjektgruppa skal kartleggja kva tilskots- og støtteordningar som finst for dei som ønskjer å redusera energiforbruket, eller produsera sin eigen energi. Dette skal informerast ut til innbyggjarane på ein god måte. Prosjektgruppa skal vurdera korleis bedrifter og hushaldningar kan redusera sitt energiforbruk og produsera sin eigen energi sjølv. Energikonferansen skal haldast i november 2023.

Det vert sett av eit budsjett på kr 100.000 for prosjektgruppearbeidet, dette til møtegodgjerdse, studieturar, energikonferanse, fagføredrag og testar. Midlane kjem på plass og vist i revidert budsjett.

Kommunestyret - 056/23 - 22.06.2023

KS - behandling:

Avdelingsleiar plan Asbjørn Toft orienterte om saka, jamfør saksutgreiinga.

Toft viste til at det i revidert budsjett (sak 050/23 i dette møtet) er sett av 100.000 til dette arbeidet.

Beløpet er retta frå 200.000 til 100.000 i framlegget til vedtak.

Handsaming i kommunestyret:

Kommunedirektøren sitt framlegg til vedtak vart samrøystes vedteke.

KS - vedtak:

Arbeidsgruppa og prosjektgruppa skal gjennomføra arbeidet sitt i løpet av 2023 og i tråd med vedtak i kommunestyret den 13.04.2023. Intensjonen i ENØK-planen til Austrheim kommune som vart godkjent den 12.04.2018 skal følgjast. Klimaplanen som vart godkjent i 2022 er førande for arbeidet til begge arbeidsgruppene.

Arbeidsgruppa skal kartleggja korleis Austrheim kommune kan redusera energiforbruket ved alle kommunale bygg, samt korleis kommunen sjølv kan produsera energi både til eige forbruk og til sal. Energimerking og kartlegging av seks bygningar skal gjennomførast i 2023.

Arbeidet til arbeidsgruppa vert finansiert frå vedtekne budsjett.

Prosjektgruppa skal kartleggja kva tilskots- og støtteordningar som finst for dei som ønskjer å redusera energiforbruket, eller produsera sin eigen energi. Dette skal informerast ut til innbyggjarane på ein god måte. Prosjektgruppa skal vurdere korleis bedrifter og hushaldningar kan redusera sitt energiforbruk og produsera sin eigen energi sjølve. Energikonferansen skal haldast i november 2023.

Det vert sett av eit budsjett på kr 100.000 for prosjektgruppearbeidet, dette til møtegodtgjerdse, studieturar, energikonferanse, fagføredrag og testar. Midlane kjem på plass og vist i revidert budsjett.

Saksopplysninger:

Denne saka skulle vore meldt opp i plassen for 044/23.

Den vart formelt handsama i samband med orienteringssakene.

Kommunestyret vedtok den 13.04.2023 i sak 025/23 følgjande:

*Austrheim kommune oppretter ei kommunal **arbeidsgruppe** som skal kartleggja korleis Austrheim kommune kan redusera energiforbruket ved alle kommunale bygg, samt korleis kommunen sjølv kan produsera energi både til eige forbruk og til sal. Målet er at planen skal leggjast fram for kommunestyret 22. juni 2023. Leiar i arbeidsgruppa er ordførar Per Lerøy. Atle Våge, leiar teknisk drift Stian Marøy, prosjektleiar vert medlemmer i arbeidsgruppa.*

*Austrheim kommune oppretter og ei politisk utnemd **prosjektgruppe** som skal kartlegga kva moglegheiter det er for bedrifter og privatpersonar til å produsera energi sjølv i kommunen. Gruppa skal også vurdere korleis bedrifter og hushaldningar kan redusera sitt energiforbruk. Gruppa skal også kartleggja kva tilskots- og støtteordningar som finst. Gruppa bør ha som mål å gjennomføra ein ny **Energikonferanse** hausten 2023 der dette er tema.*

Arbeidsgruppa vert leia av Per Lerøy. Gruppa har bestemt seg for å få gjennomført energimerking og kartlegging av seks bygningar. Desse er.

- Kaland skule og barnehage
- Årås skule

- Kystbarnehagen
- Kommunehuset
- Austrheimhallen
- Nordliheimen
-

Arbeidsgruppa vil nytta eksterne rådgjevarar for å gjennomføra kartlegginga. Dei har lagt ut oppdraget på anbod med tilbudsfrist 23. juni, og arbeidet vert ferdig i løpet av hausten 2023. Rapporten dei får då vil innehalda framlegg til tiltak som kan spare energi, i prioritert rekkjefølgje ut frå kost/nytte prinsippet. Framlegga til tiltak kan då nyttast som kunnskapsgrunnlag i arbeidet med budsjett og økonomiplan.

I møte den 2. mai vedtok kommunestyret kven som skal vera med i prosjektgruppa. Desse er: *Reidar Øksnes, Maria Sognnes, Ådne Utkilen, Helge Dyrkolbotn, Nikolai Fivesdal Semmingsen, Rolf Vik og Aslak Bakke.*

Prosjektgruppa valde i møte den 11. mai Aslak Bakke som leiar for prosjektgruppa. Asbjørn Nagel Toft er sekretær for prosjektgruppa. Prosjektgruppa ynskte å læra meir om fjernvarme til industrien på Sløvågen, dei ynskte å få på plass ein studietur til Sløvågen. Prosjektgruppa ville prøve å finna noko andre bedrifter å besøke, og sjå på kva firma/kommunar som gjer spennande ting. Vindturbinar i store utbygde næringsområde ville dei og sjå på og vurdere. Prosjektgruppa ynskte å læra meir om vertikale vindturbiner, mindre gardsvindturbiner og varmepumper. Prosjektgruppa vil og læra meir om energi frå sol, vind, geo- og sjøvarme, tidevatn, tidvasstraum, bølger og fjernvarme frå industri og småskala kjernekraftverk. Det å få samla energien som vert produsert til nettet vårt er og sentralt.

Prosjektgruppa ynskte å bruka elevane på Austrheim vidaregåande skule til å kartleggja forbruket av straum i Austrheim kommune. Referat frå møte i prosjektgruppa den 11. mai er vedlagt.

Vurdering:

Kommunedirektøren vil peika på at arbeidsgruppa må følgja opp intensjonen i ENØK-planen til Austrheim kommune som vart vart godkjent den 12.04.2018. Enøkplanen har mellom anna som mål at lønsame, energisparande tiltak skal kartleggast og gjennomførast slik at driftskostnadene vert reduserte utan at dette går ut over ytre miljø, inneklima og øvrige funksjonskrav. Enøkplanen har med ei tiltaksliste.

Kommunedirektøren synes det er viktig at arbeidgruppe skal kartleggja korleis Austrheim kommune kan redusera energiforbruket ved kommunale bygg, samt korleis kommunen sjølv kan produsera energi både til eige forbruk og til sal. Målet er å finna kostnadseffektive og miljøvenlege løysingar som skal bidra til at me når energi- og klimamåla lokalt, regionalt og nasjonalt. Etter fullført kartlegging skal det lagast ein enkel handlings- og investeringsplan for tiltaka som kan gjennomførast i kommunal regi. Arbeidet må leggjast fram på eit kommunestyremøte innan desember 2023.

Kommunedirektøren vil peike på at prosjektgruppa skal kartleggja kva bedrifter og privatpersonar kan gjera for å produsera energi sjølv i kommunen. Dette kan vera energi frå vind, geo- og sjøvarme, tidevatn, tidvasstraum, bølger, sol og fjernvarme frå industri, men og andre miljøvenlege og naturlege energibærarar. Det er viktig at prosjektgruppa også skal vurdere korleis bedrifter og hushaldningar kan redusera sitt energiforbruk. Prosjektgruppa skal også kartleggja kva tilskots- og støtteordningar som finst for dei som ønskjer å redusera energiforbruket, eller produsera sin eigen energi. Det at prosjektgruppa vil ha ut denne informasjonen til folket er positivt. Det å informera innbygarane våre på kva krav som uansett kjem framover frå nasjonalt hald og EU, det er og viktig informasjon her. Prosjektgruppa har som mål å gjennomføra ein Energikonferanse i november 2023. Kommunedirektøren synes det er positivt at dei vil invitera Enova/Husbanken/forskarar til denne

konferansen.

*Kommunedirektøren vil informera om at **Klima- og energiplanen** som vart godkjent hausten 2022 er førande for arbeidet til begge arbeidsgruppene. Her står det:*

Kommunestyret har som klimamål at Austrheim kommune i 2030 skal vera utleppsfri, i år 2050 ein 1,5- graderskommune. Austrheim kommune skal vera ambisiøs i si satsing framover på alternative energikjelder som fjordvarme, varmepumper og solenergi. Det gjeld og satsing på gang- og sykkelveggar og tiltak innafor friluftsliv, idrett og kultur som fremjar folkehelsa og minkar klimautsleppa i kommunen.

Kommunedirektøren er glad for at dette arbeidet noe er kome i gang, handling er viktig for å nå våre eigne klimamål. Kommunedirektøren rår til at mandat og ramme/budsjett for dette arbeidet vert vedteke slik det står i framlegg til vedtak.

Konklusjon:

Mandat og budsjett for dette arbeidet vert vedteke slik det står i framlegg til vedtak.

Sakspapir

Saksnr	Utvalg	Type	Dato
002/23	Kommunestyret	OS	22.06.2023

Sakshandsamar	Arkiv	ArkivsakID
Ketil Tjore	FE-033	23/759

Feil - utgår

Framlegg til vedtak:

Kommunestyret - 002/23 - 22.06.2023

KS - behandling:

KS - vedtak:

Saksopplysninger:

Sakspapir

Saksnr	Utvalg	Type	Dato
057/23	Kommunestyret	PS	22.06.2023

Sakshandsamar	Arkiv	ArkivsakID
Ketil Tjore	FE-033	23/759

Sommarfullmakt til ordfører

Framlegg til vedtak:

Kommunestyret gjev ordfører sommarfullmakt til å avgjera saker frå 23. juni 2023 til første ordinære kommunestyre etter ferien, som er torsdag 21. september 2023. Saker som er avgjort etter fullmakt, vert lagt fram for kommunestyret som referatsak i møte den 21. september 2023.

Kommunestyret - 057/23 - 22.06.2023

KS - behandling:

Jan-Erik Espelid (Bygdelista) etterlyste i starten av møtet ei sak om sommarfullmakt til ordfører.

Kommunestyret var samde om å ta dette opp som ei tilleggssak, med tidlegare sommarfullmakter som grunnlag.

Dette er i tråd med kommunelova §6-1 4. til 6. avsnitt :

«Kommunestyret og fylkestinget kan selv gi ordføreren myndighet til å

a) treffe vedtak i saker som ikke har prinsipiell betydning

b) treffe vedtak i hastesaker etter § 11-8 første ledd

c) opprette utvalg som skal forberede saker som ikke har prinsipiell betydning.

Formannskapet og fylkesutvalget kan selv gi ordføreren myndighet til å treffe vedtak i saker som ikke har prinsipiell betydning, hvis ikke kommunestyret eller fylkestinget selv har bestemt noe annet.

Ordføreren skal rapportere til kommunestyret eller fylkestinget om hvordan den delegerte myndigheten er benyttet.»

Handsaming i Kommunestyret:

Kommunedirektøren sitt framlegg til vedtak vart samrøystes vedteke

KS - vedtak:

Kommunestyret gjev ordførar sommarfullmakt til å avgjera saker frå 23. juni 2023 til første ordinære kommunestyre etter ferien, som er torsdag 21. september 2023. Saker som er avgjort etter fullmakt, vert lagt fram for kommunestyret som referatsak i møte den 21. september 2023.

Saksopplysninger:

Sakspapir

Saksnr	Utvalg	Type	Dato
058/23	Kommunestyret	PS	22.06.2023

Sakshandsamar	Arkiv	ArkivsakID
Ketil Tjore	FE-033	23/759

Flagging med regnbogeflagg 25. juni

Framlegg til vedtak:

Austrheim kommune deltek i markeringa av eittårsdagen for terrorskytinga i Oslo, og det blir flagga med regnbogeflagg frå ei av flaggstengene ved kommunehuset søndag den 25. juni 2023.

Kommunestyret - 058/23 - 22.06.2023

KS - behandling:

Kommunedirektør Bjørnar Fjellhaug viste til at kommunen har fått førespurnad om å delta i markeringa av eittårsdagen for terrorskytinga i Oslo, og flagga frå ei av flaggstengene ved kommunehuset søndag den 25. juni 2023.

Fjellhaug sa vidare at det komma ei eiga sak med flaggreglement for Austrheim kommune.

Reidar Ulvøy (Ap) spurte om det skal flaggast med norsk flagg eller prideflagg, kommunedirektøren svara at det er regnboge/prideflagg, det sa Reidar Ulvøy at han er mot.

Reidar Øksnes (Sp) ba om at dette vart teke opp seinare i møtet som eiga sak. Det sa kommunestyret seg samd i, og saka vart teke opp til avrøysting etter dei ordinære sakene.

Saka vart teke opp etter dei andre sakene. Det vart orientert om at det gjeld å heisa regnbogeflagg på ei av flaggstengene ved kommunehuset, søndag den 25. juni 2023.

Handsaming i kommunestyret:

Kommunestyret vedtok mot ei røyst (Reidar Ulvøy frå Ap) at kommunen deltek i markeringa, og flaggar med regnbogeflagg frå ei av flaggstengene ved kommunehuset, den 25. juni.

KS - vedtak:

Austrheim kommune deltek i markeringa av eittårsdagen for terrorskytinga i Oslo, og det blir flagga med regnbogeflagg frå ei av flaggstengene ved kommunehuset søndag den 25. juni 2023.

Saksopplysninger: